

Mga Tanong at Sagot Tungkol sa Salah



www.islamhouse.com

:

:

Copyright ©

This book is not copyrighted. Any or all parts of this book may be used for educational purposes as long as the information used is not in any way quoted out of context or used for profit.

This material has been reviewed and forwarded for publishing and distribution by the Filipino language section of the Department of Islamic Resources.

Form #: 1001

Date: 07/16/2006

If you have any corrections, comments, or questions about this publication, please feel free to contact us at:

fil@islamhouse.com

www.islamhouse.com

بِسْمِ اللَّهِ الرَّحْمَنِ الرَّحِيمِ

تشرف بإعداد هذا الكتاب
مركز الدعوة والإرشاد في الزلفي

شعبة توعية الجاليات

وزارة الشؤون الإسلامية والأوقاف والدعوة والإرشاد

الزلفي ١١٩٣٢ - المنطقة الصناعية - ص.ب: ١٨٢
ت: ٠٦٤٢٢٥٦٥٧ - فاكس: ٤٢٢٤٢٣٤

حقوق الطبع محفوظة

إلا لمن أراد طبعه وتوزيعه لوجه الله، بشرط عدم التصرف
في أي شيء ما عدا الغلاف الخارجي

Ang aklat na ito ay lathalain ng F.G.O.
sa Zulfi 11932 - Saudi Arabia
P.O. Box: 182 - tel: 064225657 - Fax: 4224234

*Spinahintulot ang paglimbag ng aklat na ito at iba pang
lathalain namin upang ipamahagi ng libre sa kondisyon na
walang ano mang gagawing pagbabago maliban sa pabalat nito.
Ang sino man na magnais na ilimbag ito sa layuning ipagbili ay
mangyaring makipag-ugnayan muna sa tanggapan.*

Talasalitaan

Kapag may mga salitang Arabik na di-maunawaan ang kahulugan ay mangyaring sumanguni lamang sa Talasalitaan na ito.

da`eef: Hadeeth na hindi mapananaligan kaya hindi dapat gamitin na patunay

dhikr: Panalangin sa wikang Arabik na itinuro ng Propeta (SAS) o hingngo sa Qur'an; personal na panalangin sa anumang wika

fard: Tungkuling dapat gawin; obligadong gawain o pagsamba.

Hadeeth: Ulat tungkol sa kung ano ang sinabi, ginawa, at sinang ayunana ng Propeta (SAS).

Iman: Taong namumuno sa pagsasagawa ng *salah*

Jama`ah: Grupo o pangkat ng mga taong sama-samang nagsasagawa ng *salah*. Ang jama ay binubuo ng 2 tao o higit pa.

Ma'moom: Taong pinamumunuan ng *imam* sa *salah*

Masbooq: Taong nahuli sa paglahok sa *salah* sa *jama`ah*

Makrooh: Hindi kanais-kanais ngunit hindi naman ipinagbabawal.

Muftarid: Taong nagsasagawa ng *salah* na *fard*

Musafir: Manlalakbay. *Musafir* ang tawag sa taong lumabas sa kanyang bayan at pumunta sa isang lugar.

Mustahabb: Kanais-nais ngunit hindi *fard*

Mutanaffil: Taong nagsasagawa ng *salah* na hindi *fard*

Neeyah: Layunin o hangaring gawin ang isang bagay

Rak`ah: Yunit ng *salah*

Sahabah: Mga taong nakakita at naniwala kay Propeta Muhammad (SAS) at namatay na mga Muslim. Ang kanilang sinabi o ginawa ay magagamit na batayan sa Sharee`ah.

Saheeh: Hadeeth na napatunayang totoo o sinabi ng Propeta (SAS) kaya ginagamit na patunay upang katigan ang isang hatol.

Saheehayn: Dalawang aklat na Hadeeth: Ang *Saheeh* Al-Bukharee at ang *Saheeh* Muslim

Sharee`ah: Batas ng Islam

Sunnah: anumang itinagubiling Gawain sapagkat ito ay alinsunod sa ginawa ng Propeta (SAS)

Tasleem: Pagsabi ng assalamu 'alaykum wa rahmatullaah habang lumilingon sa kanan at ang pagsabi uli nito habang lumilingon naman sa kaliwa.

Tawaf: Pag-ikot nang pitong beses sa *Ka`bah*. Ito ay isa sa mga rituwal ng hajj at 'umrah

SAS: Sallallaahu 'Alayhi wa Sallam (Ang biyaya at pagbati ni Allah ay sumakanya). Ito ay binibigkas sa tuwing binabanggit ang pangalan o mga titulo ni Propeta Muhammad bilang paggalang sa kanya.

RA: Radiyallaahu 'Anhu (kalugdan siya ni Allah). Ito ay binibigkas sa tuwing binabanggit ang pangalan o titulo ng isang anghel at ng lalaking kasamahan ni Propeta Muhammad (SAS) bilang paggalang sa kaniya. Radiyallaahu 'Anhaa naman ang binibigkas kung ay ang asawa ni Propeta Muhammad (SAS) o ang babaeng kasamahan niya.

Mga Tanong at Sagot Tungkol sa Salah

1. May mga taong nagsasagawa ng *salah* na *fard* ngunit walang anumang nakatakip sa kanilang mga balikat at iyon ay lalung-lalo na sa panahon ng hajj (o 'umrah) habang nasa sandali ng *ihram*;¹ ano po ang hatol doon?

Sagot: Kung hindi niya magawang takpan, wala siyang kasalanan ayon sa sabi ni Allah: “Katakutan ninyo si Allah sa abot ng inyong makakaya.” (64:16) at ayon din sa sabi ng Propeta (SAS) kay Jabir bin ‘Abdullah (RA): **“Kung malapad ang tela, balutin mo (ang buong katawan); at kung hindi malapad, ipantapis mo na lamang.”** Kung magagawa namang takpan ang dalawang balikat o kahit ang isang balikat, kailangang takpan ang dalawa o isang balikat ayon sa pinakatumpak na pahayag ng mga pantas ng Islam. Kung hinayaang walang takip ang balikat, hindi tanggap ang *salah* ayon sa sabi na Propeta (SAS): **“Walang sinuman sa inyo ang magsasagawa ng salah nang nakatapis nga ngunit wala naming anumang nakapatong sa balikat.”** Si Allah ang tagapagpatnubay.

2. Ano po ang hatol kapag nalamang ang isinagawang salay ay hindi pala nakaharap sa *qiblah* sa kabila ng lahat ng pagsisikap na alamin ang *qiblah*? Mayroon po bang pagkakaiba kung ang pangyayaring ito ay naganap sa lugar ng mga Muslim o sa lugar ng mga di-Muslim o sa isang ilang na lugar?

Sagot: kung naganap ito habang ang isang Muslim ay naglalakbay o nasa bayang hindi madaling makakita roon ng isang taong makapagtuturo kung nasaan ang *qiblah*, ang kanyang sala ay tanggap kapag talagang nagsikap siyang hanapin ang *qiblah* ngunit bandang huli ay napag-alaman niya matapos magsagawa ng *salah* hindi pala siya nakaharap sa *qiblah*. Subalit kung siya ay nasa lugar ng mga Muslim, ang *salah* niya ay hindi tanggap (kung hindi nakaharap sa *qiblah*) sapagkat maaari siyang makapagtanong sa isang taong makapagtuturo sa kanyang kung nasaan and *qiblah* at maari rin niyang malaman ito sa pamamagitan ng mga Masjid.

3. Narinig naming na binbigkas na maraming mga tao ang *neeyah* kapag nagsisimulang magsagawa ng *salah*: ano po ang hatol ditto?

Sagot: Ang pagbigkas ng *neeyah* ay walang batayan sa Sharee’ah. At walang ulat mula ss Propeta (SAS): **“Ang halaga ng mga gawa ay nakabatay sa layunin (neeyah) at ang bawat tao ay gagantimpalaan ayon sa kanyang nilayon.”**

4. Nakikita naming na may mga taong nagsisisikan upang makapagsagawa ng *salah* sa loob ng *Hijr Isma’eel*.² Ano po ang hatol sa pagsasagawa ng *salah* dito? At mayroon po ba itong kalamangan (sa ibang *salah*)?

¹ Ang *ihram* ay isa sa mga rituwal na hajj at 'umrah.

² Ang *Hijr Isma’eel* ay ang bahagi ng *ka’bah* na hindi nasakop ng dingding nito.

Sagot: Ang pagsasagawa ng *salah* sa loob ng *Hijr Isma'eel* ay *mustahabb* (kanais-nais ngunit hindi kailangan o tungkuling isagawa) sapagkat ito ay bahagi ng *ka'bah*. Sa Hadeeth na isinalaysay ni Ibnu "Umar tungkol sa Propeta (SAS) ay nabanggit na pumasok siya (SAS) sa *ka'bah* noong taong masakop ang Makkah at nagsagawa na dalawang *rak'ah* na *salah* sa loob nito. Nasasaad din sa Hadeeth na sinabi niya (SAS) kay A'ishah (RA) (ang kanyang maybahay) nang nais nitong pumasok sa *Ka'bah*: "**Magsagawa ka na salah sa loob ng Hijr Isma'eel sapagkat ito ay bahagi ng ka'abah.**"

Tungkol naman sa *salah* na *fard*, mas mainam na hindi ito isagawa sa loob ng *Ka'bah* o *Hijr Isma'eel* sapagkat hindi ginawa iyon ng Propeta (SAS) at sapagkat may mga pantas ng Islam na nagsabing: "Hindi karapat-dapat na magsagawa ng *salah* na *fard* sa loob na *ka'bah* o sa loob ng *Hijr Isma'eel* sapagkat ito ay bahagi ng *ka'bah*." Dahil ditto, nalalaman na ang wasto ay ang isagaw ang *salah* na *fard* sa labas ng *ka'bah* at sa labas ng *Hijr Isma'eel* upang masunod and halimbawa ng Propeta (SAS) at maiwasan na masalungat ang mga pantas ng Islam na nagsasabing hindi tama ang pagsasagawa ng *salah* na *fard* sa loob ng *Ka'bah* at *Hijr Isma'eel*. Si Allah ang tapagpatnubay.

5. May mga kababaihang hindi nalalaman ang ipingkaiba ng regla sa *istihadah*,³ kaya kapag nagpatuloy ang paglabas ng dugo (sanhi ng *istihadah*) humihinto sil sa pagsasagawa ng *salah* sa loob ng panahon na patuloyang paglabas ng dugo (ng *istihadah*).

Sagot: Ang regla ay dugong itinakda ni Allah na lumabas sa mga kababaihan, Kadalasan itong lumalabas buwan-buwan. Nabanggit ito sa Hadeeth ng Propeta (SAS).

Ang babaing may *istihadah* ay may tatlong kalagayan:

1. Na siya ay wala talagang regular na period simula nang siya ay magkaregla: kaya buwan-buwan ay (may mga araw na) hindi siya magsasagawa ng *salah* o pag-aayuno (kung buwan ng Ramadan) hangga't may nakikita siyang dugo. At hindi rin ipinahihintulot sa Kanyang asawa na makipagtalik sa kanya hangga't hindi tumitigil ang paglabas ng dugo. Ituturing na regla ang pagdurugo kung tumatagal ng 15 araw o mas mahaba pa ayon sa pahayag ng nakararaming mga pantas ng Islam. Kung nagpatuloy ang pagdurugo sa loob ng mahigit sa 15 araw, siya ay may *istihadah*. Aalamin niya kung ilang araw ang period ng karamihan sa mga malalapit niyang mga kamag-anakan; kaya kung halimbawang 6 o 7 araw ang period ng marami sa kanila, ituturing niya ang kanyang sarili na nagreregla ng 6 o 7 araw. Ito ang gagawin niya kapag hindi niya malaman ang ipinagkaiba ng dugo ng regla sa dugo na *istihadah*.

2. Na nakikilala niya (ang ipinagkaiba ng regla sa *istihadah*); kaya hihinto siya sa pagsasagawa ng *salah* at pag-aayuno (kung buwan ng Ramadan), at sa pakikipagtalik sa kanyang asawa sa loob ng mga araw na lumalabas ng duong kilalang (regla) dahil sa kaitiman ng kulay at kakaibang amoy. (kapag nawala na ang kaitiman at kakaibang amoy ng dugo) ay maliligo siya

³ Ang *istihadah* ay ang patuloy na pagdurugo na hindi na talaga humihinto o kung huminto man ay sa loob lamang ng maikling panahon gaya ng isa o dalawang araw sa isang buwan. Iba ito sa regla.

at saka magsagawa ng salah.⁴ (Ituturing na regla ang dugong may kaitiman ang kulay at may kakaibang amoy) sa kondisyong hindi lalapas sa 15 araw ang paglabas niyon.

3. Na dati ay may regular siyang period (halibawa'y 6 o 7 araw buwan-buwan tuwing umpisa o kalagitnaan o katapusan ng buwan bago pa man siya nagkaroon ng *istihadah*); kaya kapag dumating na ang kanyang period ay hihinto siy sa pagsasagawa ng *salah* o pag aayuno. At kapag natapos na ang period na iyon ay saka siya maligo. Maari na siyang magsagawa ng *salah* ngunit kailangang magsagawa siya ng wudu' sa bawat *salah* hangga't may dugong Lumabas sanhi ng *istihadah*. Sa sandaling ito ay maari na rin siyang (kahit may dugo pang lumalabas na sanhi ng *istihadh*) hanggang hindi dumarating muli ang kanyang period para sa kasunod na buwan. Ito ang buod ng mga Hadeeth na Propeta (SAS) hinggil sa babaeng may *istihadah*.

6. Kapay may *salah* na nalaligtaang isagawa ang isang tao gaya halimbawa ng sala sa *dhuhr* at naalala lamang iyon nang nasimulan nang isagawa ang *salah* sa '*asr*, sasabay ba siya sa *jama`ah* na ang neeya ay ang magsagawa ng sala sa '*asr* o ang neya ay ang magsagawa ng *salah* sa *dhuhr*? O isasagawa ba niya muna ang *dhuhr* at saka isasagawa ang '*asr*?

Sagot: Ang nararapat sa sinumang napaalalahanan sa katanungang ito ay ang magsagawa ng *salah* -- na ang *neeyah* ay ang magsagawa ng *salah* para sa *dhuhr* -- kasama ng *jama`ah* na ang isinasagawang *salah* sa oras na iyon ay '*asr* upang mapanatili ang pagkasunod sunod ng mga *salah*. Hindi naalis ang obligsyong kailangang sunod-sunod ang pagsasagawa ng *salah* dahil lamang sa pangambang hindi makasabay sa *jama`ah*.

7. Maraming mga babae ang walang ingat sa pagsasagawa ng *salah*. Lumilitaw ang braso o bahagi nito at pati narin ang paa at baka pati pa ang binti. Kaya ang tanong, tangap po ba ang kanilang *salah*?

Sagot : Tungkulin na nasa wastong gulang⁵ na babaeng Muslim at may wastong pag-iisip na balutin ang kanyang buong katawan kapag nagsasagawa ng *salah* maliban sa kanyang mukha at palad. Kaya kung ang isang babae ay nagsasagawa ng *salah* habang nakalitaw ang kanyang binti o paa o buhok o bahagi ng buhok, ang kanyang *salah* ay hindi tangagap ayon sa sinabi ng Propeta (SAS): **"Hindi**

tatangapin ni Allah ang salah ng babaeng dinatnan na ng regla kung hindi natatakpan ang kanyang katawan." Ang ibig sabihin ng "babaeng dinatnan na ng regla" ay babaeng nasa wastong gulang na. Kung may lalaking hindi kaanu-ano ng babae na nakakikita sa kanya, kailangang takpan din niya ang kanyang mukha at kamay.

⁴ Kahit may dugong lumalabas dahil ang dugong ito ay *istihadah* at ang babaeng nilabasan ng dugong sanhi ng *istihadah* ay maaring magsagawa ng mga gawaing panrelihiyon at makipagtalik sa asawa.

⁵ Ang isang Muslim ay nasa wastong gulang kapag naganap ang alinman sa mga sumusunod 1) Kapag naging 15 taong gulang na, 2) kapag tinubuan na ng mga buhok sa maselang bahagi ng katawan, 3) Kapag nailabasan ng punlay sa panaginip (wet dream) o sa ano pa mang paraan 4) kapag ang isang babae ay may regla na.

8. Kapag huminto ang regla ng isang babae sa oras ng “*asr* or “*isha*”, pagsasamahin⁶ ba niya ang *dhuhr* at “*asr* o ang *maghrib* at ang “*isha*” yaman din lamang na ang mga *salah* na ito ay naipagsasama?

Sagot: Kapag huminto ang regla ng isang babae⁷ o ang kanyang nifas⁸ sa oras ng ‘*asr*, kailangan niya ring isagawa ang *salah* sa *dhuhr* kasama ng sala sa ‘*asr* ayon sa pinakatumpak na pahayag ng mga pantas nag Islam sapagkat ang oras ng dalawang *salah* na ito ay iisa para sa taong may dahilang ipagsama ang mga *salah* tulad halimbawa ng may-karamdaman at naglalakbay. Ang babaeng katatapos lamang huminto ang regla ay may dahilan ding ipagsama ang mga *salah* dahil sa pagkahuli ng paghintong kanyang regla. Ganito rin ang patakaran kung huminto naman ang regla sa oras ng *salah* sa ‘*isha*’, kailangan din niyang isagawa nang magkasama ang *salah* sa maghrib at ‘*isha*’. Ganito rin ang payo ng isang pangkat ng mga *sahabah* (RA).

9. Maraming mga mangagawa ang ipinagpapaliban ang pagsasagawang *salah* sa *dhuhr* at ‘*asr* at isinasagawa lamang ang mga ito sa gabi. Ang kanilang idinadahilan ay abala sila sa kanilang mga gawain at ang kanilang damit ay may najasah⁹ o hindi malinis; kaya ano po ang maipapayo ninyo sa kanila?

Sagot: Hindi ipinahihintulot para sa mga Muslim, lalaki man o babae, na ipagpaliban ang pagsasagawa ng *salah* na *fard* sa takdang oras nito. Sa halip, tungkulin ng bawat Muslim, lalaki man o babae, na nasa wastong gulang na isagawa ang *salah* sa takdang oras nito sa abot ng makakaya. Ang trabaho ay hindi dahilan upang ipagpaliban ang *salah* at ganoon din ang dumi sa damit. Ang lahat ng ito ay hindi katanggap-tanggap na dahilan. Ang trabaho ay dapat itigil sa oras ng *salah* at inoobliga ang isang mangagawa pagsapit ng oras ng *salah* na hugasan ang bahagi ng kanyang damit na may najasah o palitan ng damit na malinis. Ang dumi ay hindi hadlang sa pagsasagawa ng *salah* kung ang duming iyon ay hindi buhat sa mga najasah o hindi nagtataglay ng masamang amoy na nakapipinsala sa ibang mga nagsasagawa ng *salah*. Kung ang dumi mismo o ang amoy nito ang nakakapinsala sa iba pang mga Nagsasagawa ng *salah*, kailangang hugasan iyon o palitan ng damit na malinis bago magsagawa ng *salah* nang sa gayon ay maisagaw niya ng *salah* kasama ng *jama`ah*. Ipinahihintulot sa isang taong may katanggap-tanggap na dahilan, gaya ng may-sakit o naglalakbay, na ipagsama ang *salah* sa *dhuhr* at *salah* sa ‘*asr* sa oras ng alin man sa dalawang *salah* na ito at ipagsama ang maghrib at ‘*isha*’ sa oras ng alinman sa dalawang ito. Nasasaad din sa Hadeeth na maaring ipagsama ang mga *salah* kung may ulan at baha at mahirap para sa mga tao na isagawa nang isa-isa ang bawat *salah*.¹⁰

⁶ Ang pagsasama ng *salah* ay ganito: isinasagaw muna ang *salah* sa *dhuhr* bago ang *salah* ‘*asr* sa oras ng alin man sa dalawang *salah* na ito at ang *salah* sa maghrib bago ang *salah* sa ‘*isha*’ sa oras ng alin man sa dalawang nabanggit na *salah*.

⁷ Kapag huminto ang regla ng isang babae ay kailangang maligo siya sa lalong madaling panahon bago magsagawa ng *salah* o makipagtalik sa asawa.

⁸ Ang nifas ay ang dugong inilalabas ng sinapupunan bago o habang matapos magsilang hanggang sa ika-40 araw matapos magsilang. Para sa karagdagang kaalaman tungkol sa nifas, mangyari po lamang na sumnguni sa ating aklat na pnamagatang Isang Aklat Para sa Babaeng Muslim.

⁹ Najasah ang mga sumusunod: 1) ang dugo, 2) ang dumi at ihi ng tao, ihi nana, at suka 3) and dumi at ihi ng hayop na ipnagbabawal ng Islam na kainin 4) ang madhy:likidong malinaw na kadalasan ay lumalabas sa ari sanhi ng pagnanasang sesuwal, 5) ang wady: likidong malapot na lumalabas sa ari na maaaring lumabas pagkatapos umihi o kapag may karamdaman.

¹⁰ Ang pagsasama ng mga *salah* kapag may ulan o baha ay ipinahihintulot lamang sa mga taong nasa Masjid. Isinasagaw ang pagsasama ng mga *salah* sa *jama`ah*. Ang taong nasa kanyang tahanan ay hindi pinahihintulatang ipagsama ang mga *salah* kahit pa may ulan o baha dahil hindi mahirap para sa kanya na isagawa nang hiwalay ang mga *salah*. Tingan ang sagot sa tanong bilang 53.

10. Uulitin pa ba ng isang tao ang kanyang naisagawang *salah* matapos na magsagawa ng *tasleem* kapag siya ay nakkita ng najasah sa kanyang damit?

Sagot: Ang sinumang nagsagawa ng *salah* samantalang ang kanyang katawan o kasuutan ay may najasah at napag-alaman lamang ang tungkol dito matapos maisagawa ang *salah*, ang kanyang *salah* ay tanggap ayon sa pinakatumpak na pahayag ng mga pantas ng Islam. At ganoon din kung sakaling noong una pa man ay nalaman na niya (na ang kanyang kasuutan o damit ay may janasah) ngunit nakalimutan sa oras ng *salah* at naalala lamang pagkatapos ng *salah*, ang kanyang *salah* ay tanggap parin ayon sa isang talata ng Qur'an. ***"O Panginoon namin, huwag Mo po kaming parusahan kung kami ay makalimot o magkamali."*** (2:286) Ang tugon naman ni Allah dito ay: ***"Ginawa ko na."*** Nabangit sa isa pang Hadeeth na isang araw habang ang Propeta (SAS) ay nagsasagawa ng *salah* samantalang ang kanyang sapin sa paa ay may najasah, ipinagbigay-alam sa kanya ni Jibreel ang tungkol dito. Hinubad niya ang sapin at nagpatuloy sa kanyang *salah* at hindi na niya inulit ito. Ito ay kaluwagan at habag na kaloob ni Allah sa kanyang mga lingkod. Subalit ang sinumang makalimot na magsagawa ng wudu' at nagsagawa ng *salah*, kailangan ulitin niya ang *salah* ayon sa nagkakaisang hatol ng mga pantas ng Islam.

Ito ay alinsunod sa sinabi ng Propeta (SAS): ***"Hindi tanggap ang salah na walang wudu' at ang kawanggawa na galing sa nakaw."*** Ang Hadeeth na ito ay nasa *Saheeh Muslim*. At ang sabi pa niya (SAS): ***"Kapag walang wudu' and sinuman sa inyo, hini tanggap ang kanyang salah hanggang hindi siya nakapagsagawa ng wudu'."***

11. Maraming mga tao sa ngayon ang pabaya sa kanilang *salah*. Ang ilan sa kanila ay tuluyan nang hinintuan ang pagsasagawa ng *salah*; ano po ang hatol sa mga iyon? At ano ang tungkulin ng isang Muslim para sa kanila at lalong-lao na sa kanyang mga kamag anakan gaya ng ama, anak, asawa at iba pa?

Sagot: Ang pagpapabaya sa *salah* ay kabilang sa mga malalaking kasalanan at ito ay kabilang rin sa mga katangian ng isang Munafiq (nagpapaggap na Muslim). Ang sabi ni Allah: ***"Tunay na ang mga Munafiq ay nagsisikap na linlangin si Allah ngunit Siya ang lumililang sa kanila. At kung sila ay tatayo upang magsagawa nang salah, sila ay tinatamad at nagpapakita lamang sa mga tao at kaunti lamang kung kanilang alalahanin si Allah."*** (4:142) At ang sabi pa ni Allah tungkol sa kanilang katangian: ***"At walang humahadlang sa kanilang ambag upang matanggap buhat sa kanila kundi dahil sa sila ay hindi sumasampalataya kay Allah at sa kanyang Sugo, dahil sa sila ay pumpunta sa salah nang patamad-tamad, at dahil sa sila ay gumugugol nang may sama ng loob."*** (9:54) Ang sabi naman ng Propeta (SAS): ***"Ang pinakamabigat na salah para sa mga Munafiq ay ang salah sa 'isha at salah sa fajr. At kung nalalaman lamang nila kung ano ang gantimpalang mayroon and dalawang salah na ito, pupunta sila kahit pagapang upang isagawa ito."*** Kaya tungkulin ng bawat Muslim, lalaki man o babae, na panatilih ang pasasagawa ng limang *salah* sa kani-kanilang mga takdang oras at isagawa ang mga ito nang may kapanatagan, may pagmamalasakit, may kataimtiman, at konsentrasyon dahil ang sabi ni Allah: ***"Tunay na mga matagumpay ang mga mananapalataya na sa kanilang pasasagawa ng salah ay maitimtim na ngpapakumbaba."*** (23:1-2) Nasasaad din sa isang Hadeeth na inutusan ng Sugo ni Alah (SAS) ang isang taong hindi pinagbuti ang

pagsagawa ng *salah* na ulitin ang *salah* sapagakat hindi niya iyon isinagawa ng may kapanatagan. Sa panig naman ng mga kalalakihan, kailangang palagi nilang isagawa ang *salah* sa *jama`ah*, kasama ng kanilang mga kapatid sa pananampalataya, sa mga bahay ni Allah na walang iba kundi ang mga Masjid. Ayon sa sinabi ng Propeta (SAS): **“Ang sinumang makarinig ng panawagan (adhan) at hindi pumunta (sa dasalan), wala siyang salah maliban na lamang kung siya ay may magandang dahilan.”** Si Ibnu ‘Abbas (RA) tinanong kung ano ang magandang dahilan. “Takot o karamdaman,” ang sagot niya. Ayon naman sa isang Hadeeth na inulat ni Abu Hurayrah (RA) tungkol sa Propeta (SAS), may isang lalaking bulag na nagsadya sa kanya (SAS) at ang sabi, “O Sugo ni Allah, wala po akong gabay na gagabay sa akin papuntang Masjid; kaya may kapahintulutan po ba akong magsagawa ng sala sa aking bahay?” Binigyan niya (SAS) ito ng kapahintulutan ngunit ng nakaalis na ito ay tinawag niya ito at sinabi rito **“Naririnig mo ba ang panawagan ng salah? Opo,”** sabi nito. **“Kung gawon, tugunin mo,”** sabi nman niya (SAS). (Ang ibig niyang sabihin ay: Pumunta ka sa Masjid at doon isagawa ang *salah*.) Sa isa pang Hadeeth na nasa *Saheehayn* na iniulat pa rin ni Abu Hurayrah (RA), sinabi ng Propeta (SAS): **“Napag-isipan kong mag-utos na simulan ang pagsasagawa ng salah at saka uutusan ko ang isang lalaki na mamuno sa salah at ako ay aalis, kasama ng ilang mga kalalakihan na may dalang mga bigkis ng panggatong, papunta sa mga taong hindi dumadalo sa salah upang aking sunugin ang kanilang mga bahay.”** Ang Hadeeth na ito ay nagpapahiwatig na ang *salah* sa *jama`ah* ay is sa mahalagang tungkulin ng mga kalalakihan at ang hindi tumutupad sa tungkuling ito ay karapat dapat parusahan.

Idinadalangin natin kay Allah na nawa’y Kanyang pabutihin ang kalagayan ng lahat ng mga Muslim at pakalooban sila ng tagumpay na ikinalulugod Niya.

Ayon sa pinakatumpak na pahayag ng mga pantas ng Islam, ang paghinto sa pasasagawa ng *salah* o kahit paminsan-minsan lamang ay itinuturing na isang malakingkawalan ng pananampalataya kahit hindi man ikaila na ang sala ay *fard*-maging lalaki man o babae ang huminto sa pagsasagawa ng *salah*. Ang sabi nag Propeta (SAS): **“Ang namamagitan sa tao at kawalang pananampalatay ay shriik (pagatambal kay Allah) ay ang patalikod sa salah.”** Ang Hadeeth na ito ay nasa *Saheeh Muslim*. Sa isa apang Hadeeth ay sinabi ng Propeta (SAS): **“Ang kasunduang namamagitan sa atin at sa kanila (mga mananampalataya) ay ang salah; kaya ang sinumang huminto sa pagsasagawa ng salah ay nawalan na ng pananampalataya.”** Mayroon pang maraming ibang Hadeeth tungkol sa paksang ito.

Ang nagkakaila sa pagiging *fard* ng *salah*, maging lalaki man o babae, ay tuluyan nang nawalan ng pananampalatay ayon sa nagkakaisang hatol ng mga pantas ng Islam kahit sabihin pang nagsasagawa rin siya ng *salah*. Kaya hinihiling natin kay Allah na nawa’y huwag sanang mangyari sa atin at sa lahat ng mga Muslim ang gayon. Tunay na Siya ang pinakamainam hilingan.

Ang lahat ng mga Muslim ay may tungkuling pagpayuhan ang isa’t isa sa kung ano ang totoo at magtulungan sa kabutihan at kabanalan. Kabilang sa tungkuling ito ang pagpayuhan ang hindi dumadalo sa *salah* sa *jama`ah* o nagpapabaya sa *salah* anupa’t kung magkaminsan ay hindi na ito isinasagawa. Tungkulin din na magbigay-babala sa kanya tungkol sa galit at parusa ni Allah. Tungkulin ng kanyang ama, ina, mga kapatid, at kasambahay na siya ay kanilang pagpayuhan at magpatuloy sa pagpayo hangang sa siya ay patnubayan ni Allah maging matuwid. Gayon di sa

mga babaeng nagpapabaya at huminto sa pagsasagawa ng *salah*, tungkulin din na sila ay pagpayuhan, bigyang-babala sa galit at parusa ni Allah, at magpatuloy sa pagpayo at pagbibigay-babala. Kung ayaw na talagang makinig ay putulin na ang ugnayan sa kanya at bigyan ng karampatang kaparusahan kung magagawa. Ang lahat ng ito ay pakikipagtulungan sa kabutihan at kabanalan at pag-uutos sa mabuti at pababawal sa masama na ginawang obligasyon ni Allah sa Kanayng mga lingkod na mga lalaki at babae. Ayon sa sinabi Niya: ***“Ang lalaking mananapalataya at babaeng mananampalataya ay mga wali (Kaibigan, katuwang, tagapagtanggol, tagatangkilik, at iba pa) ng bawat isa sa kanila. Ipinag-uutos nila ang mabuti at ipinagbabawal ang masama. Nagsasagawa sila ng salah, nagbibigay ng zakah, at sinusunod si Allah at ang Kanyang Sugo. Ang mga iyon ang kaawaan ni Allah. Tunay na si Allah ay makapangyarihan, marunong.”*** (9:71) At ayon naman sa sinabi ng Propeta (SAS): ***“Utusan ninyo ang iyong mga anak na magsagawa ng salah pagsapit ng pitong taon, paluin sila sa hindi nila pagsasagawa ng salah at paghiwalayin (huwag pagtabihin sa higaan ang mgkapatid na lalaki at babae) ang kanilang higaan kapag sila sampung taon na.”*** Kung ang mga batang lalaki at babae nga ay inuutusang magsagawa ng *salah* pagsapit ng ika-pitong taong gulang at pagsapit ng ika-sampung taong gulang ay papaluin kung hindi issagawa iyon, ang mga nasa hustong gulang ay mas lalong kailangang magsagawa ng *salah* at nararapat parusahan kung hindi niya ito isanasagawa sa kabila ng patuloy na papayo. Ang pagtatagubilin sa isa’t isa upang itaguyod ang katotohanan at ang patitiis alang-alang dito ay isang tungkulin batay sa sinabi ni Allah: ***Sumpa man sa panahon,¹¹ tunay na ang tao ay nasa kapahamakan; maliban sa mga sumasampalataya at gumagawa ng mga kabutihan at nagtatagubilinan ng pagtataguyod sakatotohanan at nagtatagubilinan ng pagtitiis.***

Ang sinumang huminto sa pagsasagawa ng *salah* matapos na sumapit sa wastong gulang at hindi tinganggap ang payong magsagawa ng *salah*, ang kanyang kaso ay isasampa sa hukuman na Sharee’ah upang hilngin sa kanya na magsisi sa hindi pagsagawa ng *salah*. At kung magsisissi siya, iyon ay mabuti para sa kanya: at kung hindi, hahatulan siya ng kamatayan. Kaya ipinapanalangin natin kay Allah na sana ay pabutihin Niya ang kalagayan ng mga Muslim at pagkalooban sila ng karunungan sa relihiyon at patnubayan sila sa pakakikipagtulungan sa kabutihan at kabanalan, pag-uutos sa kabutihan at pagbabawal sa masama, pagtatagubilin sa isa’t isa na itaguyod ang katotohanan, at pagtitiis alang-alang dito. Tunay na siya ay bukas-palad, mapagbigay.

12. ang ilang mga tao, dahil sa mga sakunang sanhi ng sasakyan at iba pa, ay nakaranas ng pakaalog ng utak at pagkawala ng malay sa loob ng ilang araw; kaya kailangan po bang isagawa ng mga iyon ang mga *salah* na hindi nila naisagawa kapag nanumbalik na ang kanilang malay?

Sagot: Kung ang pakawala ng malay ay ngatagal lamng ng maikling panahon, halimbawa’y tatlong araw o mababa pa, obligado silang isagawa ang mga *salah* na hindi nila naisagawa. Naiulat ng isang pangkat na mga *sahabah* (RA) na sila ay nawalan ng malay sa loob ng panahong mababa sa tatlong araw ngunit nang nanumbalik na ang kanilang malay ay isinagawa nila ang mga *salah* na hindi nila naisagawa. Kung ang pakawala naman ng malay ay higit sa tatlong araw, hindi na kailangang magsagawa ng mga *salah* para sa mga araw na hindi

¹¹ Ang nanunumpa sa panahon ay si Allah. Karapatan ni Allah na sumumpa sa alin man sa Kanyang mga nilikha ngunit ang tao ay hindi pinahihitulang sumumpa sa iba maliban pa kay Allah.

nakapagsagawa ng *salah*. Ayon ito sa sinabi ng Propeta (SAS): ***“Inangat ang panulat sa tatlong tao:¹² ang natutulog hanggang sa magising, ang bata hanggang sa maging sapat ang gulang, at ang baliw haggang sa bumalik ang pag-iisip.”*** Ito ay alinsunod sa sinabi ng Propeta (SAS): ***“Hindi tangagap ang salah na walang wudu’ at ang kawanggawa na galing sa nakaw.”*** Ang nawalan ng malay sa loob ng tatlong araw o higit pa ay para na ring baliw dahil kapwa sila nawala sa sarili. Si Allah ang tagapagpatnubay.

13. Marami sa mga may karamdaman ang nagpapabaya sa pagsasagawa ng *salah* at sinasabing, “Kapag ako ay magaling na, issasagawa ko ang mga *salah* na hindi ko naisagawa.” Ang iba naman sa kanila ay nagsasabi, “Papaano akong makapagsasagawa ng *salah* samantalang hindi ako makapasagawa ng wudu’ at hindi ko malinis ang katawan mula sa najasah.” Ano po ang inyong maipapayo sa mga iyo?

Sagot: Ang karamdaman, haggat hindi pa nawala ang katinuan, ay hindi makahahadlang sa pagsasagawa ng *salah* dahil lamang sa kawalang kakayahang magsagawa ng wudu’. Sa halip tungkulin pa rin ng isang may-sakit na magsagawa ng *salah* sa abot ng kanyang makakaya. Magsasagawa siya ng wudu’ sa abot ng kanyang makakaya at kung hindi siya maaring gumamit ng tubig, magsasagawa siya ng tayamum at saka magsagawa ng *salah*. Ang najasah sa kanyang katawan at kasuutan ay kailangang hugasan sa oras ng *salah* o palitan ang kasuutan na may najasah ng malinis na kasuutan sa oras ng *salah*. Kung hindi niya kayang hugasan ang najasah o palitan ang kasuutan na may najasah ng kasuutan na malinis, hindi na niya kailangan gawin iyon. Magsasagawa siya ng *salah* maging ano pa man ang kalagayan niya batay sa sinabi ni Allah: ***“Kaya katakutan ninyo si Allah sa abot ng inyong makakaya.”*** (64:16) At ayon din sa sinabi ng Propeta (SAS): ***“Kapag may ipinag-utos ako sa inyo, isgawa ninyo iyon sa abot ng inyong makakaya.”*** Ang Hadeeth na ito ay nasa *Saheehayn*. Ang sabi pa niya (SAS) kay ‘Imran bin Husayn (RA) nang idinaing nito ang karamdaman sa kanya: ***“Isagawa mo ang sala nang nakatayo; at kung hindi mo kaya, isagawa mo nang nakaupo; at kung hindi mo kaya, isagawa mo nang nakahigang patagilid.”*** Ang Hadeeth na ito ay nasa *Saheeh Al-Bukhari*. Sa iba pang Hadeeth ay ito pa ang idinagdag: ***“at kung hindi mo parin kaya, isagawa mo nang nakatihaya.”***

14. Ang *salah* na sadyang hindi isinagawa ng isang tao-isang *salah* o higit pa - ay kailangan pa bang isagawa kapag siya ay pinatnubayan na ni Allah na magbalik-loob?

Sagot: Hindi kailangang isagawa ang mga *salah* na hindi naisagawa kung ang mga iyon ay sadyang hindi isinagawa. Ito ang pinakatumpak na pahayag ng mga pantas sapagkat ang isang taong sadyang hindi nagsasagawa ng *salah* ay lumabas na sa loob ng Islam at pumasok sa bakuran ng mga di-sumasampalataya. Hindi isasagawa ng isang di-sumasampalataya ang mga *salah* na hindi naisagawa noong siya ay wala pang pananampalataya. Ito ay ay batay sa sinabi ng Propeta (SAS): ***“Ang namamagitan sa tao at kawalang pananampalataya at shirk (pagtatambal kay Allah) ay ang pagtalikod sa salah.”*** Ang Hadeeth na ito na nasa *Saheeh Muslim* ay isinalaysay ni Jabir bin ‘Abdullah (RA). Ang sabi pa niya (SAS): ***“Ang kasunduang namamagitan sa atin at kanila (mga mananampalataya) ay ang salah; kaya ang sinumang***

¹² Ibig sabihin ay hind itatala ng mga anghel ang kanilang gawa kaya hindi sila papanagutin sa kabilang-buhay sa anumang nagawa nila.

tumalikod sa salah ay nawalan na ng pananampalataya.” Karagdagan pa rito , hindi inatasan ng Propeta (SAS) ang mga di-Muslim na nagsipasok sa Islam na isagawa ang mga *salah* na hindi nila naisagawa noong sila ay hindi pa mga Muslim. At ganoondin ang mga *sahabah* (RA), hindi nila inatasan ang mga Murtadd (tumalikod sa Islam) nang ang mga ito ay magbalik sa Islam na isagawa ang mga *salah* na hindi nila naisagawa (noong sila ay mga Murtadd pa). Ngunit kung isagawa man ng isang taong huminto sa pagsasagawa ng *salah* ang mga *salah* na sadyang hindi niya isinagawa, walang masama sapagkat ito ay pag-iingat at pag-iwas na masalungat ang sinabi ng nakararaming pantas ng Islam na hindi nagiging di-mananampalataya ang huminto sa pagsasagawa ng *salah* kung hindi rin lamang niya ikinaila na ang *salah* ay *fard*. Si Allah ang tagapagpatnubay.

15. May mga taong nagsasabi na kapag hindi nakapasagawa ng *adhan* sa umpisa ng pagsapi ng oras ng *salah*, hindi na kailangang magsagawa ng *adhan* sapagkat ang *adhan* ay ang pagbibigay-alam na pagsapi ng oras ng *salah*. Ano po ang inyong pahayag hinggil dito? Kailangan pa po bang magsagawa ng *adhan* ang taong nagiisa sa sisyerito o ilang?

Sagot: Kapag hindi nasagawa ng *adhan* ang mu’adhdhin sa simula pa lamang ng pagsapi ng oras ng *salah*, hindi na niya kailangang magsagawa ng *adhan* kung sa lugar din naiyon ay may mga mu’adhdhin bukod pa sa kanya sapagkat ang mga iyon na ang tumupad sa tungkuling magkaroon ng *adhan*. Subalit kung ang pagkahuli ng pagsasagawa ng *adhan* ay hindi naman gaanong matagal, walang masama kung isagawa ang *adhan*. Kung wala ngng iba pang mua’dhdhin maliban sa kanya, kailangan niyang magsagawa ng *adhan* kahit nahuli siya nang matagal sapagkat ang *adhan* sa pagkakataong ito ay *fard* kifayah¹³ at walang ibang magsasagawa nito kaya kailangan niyang isagawa ito dahil tungkulin niya ito at ang mga tao ay kadalasang naghihintay lamang.

Itinatagubilin sa *musafir* (manalalakbay) na magsagawa ng *adhan* kahit nag-iisa lamang siya. Ito ay ayun sa Hadeeth na sinabi ni Abu Sa’eed (RA) sa isang lalaki: **“Kapag ikaw ay kasama ng iyung mga tupa sa ilang, lakasan mo ang iyong tinig kapag nagsasagawa ng *adhan*. Walang jinn o tao o maging ano paman na nakarinig sa narating ng tinig ng isang mu’adhdhin na hindi sasaksi para sa kanya sa araw ng paghuhukom.”**

16. Ipinahihintulot ba sa mga babae ang pagsasagawa ng *adhan* at iqamah kung wala silang kasamang lalaki?

Sagot: Ang mga babae ay hindi kinakailangang magsagawa ng *adhan* o iqamah, nananatili man sila sa kanilang lugar o nasa paglalakbay. Ang pagsasagawa ng *adhan* at iqamah ay ilan sa mga gawaing laan lamang sa mga kalalakihan gaya ng ipinakita ng mga Hadeeth na *saheeh* buhat sa Propeta (SAS).

17. Kapag nakalimutan ang iqamah at nagsagawa ng *salah* (nang walang iqamah), makakaapekto ba iyon sa *salah* na isinagaw ng isang tao o ng isang *jama`ah*.

¹³ Isang obligasyon ng isang komunidad ng mga Muslim na kapag ginawa ng isa sa kanila o ilan sa kanila, silang lahat ay hindi magkakasala at hindi pananagutin ni Allah. Subalit kung wala ni isa man lamang sa kanila ang nagsagawa nito, silang lahat ay magkakasala at mananagot.

Sagot: Kapag ang *salah* ay isinagawa ng isang tao o ng isang *jama`ah* nang walang iqamah, ang *salah* ay tanggap parin ngunit ang sinumang nakagawa ng ganito ay kailangang humingi ng tawad kay Allah. Ganoon di naman kung sakaling nagsagawa ng *salah* nang walang *adhan*, ang salay ay tanggap pa rin sapagkat ang *adhan* at ang iqamah ay ilan lamang sa mga *fard* kifayah at ang dalawang ito ay hindi bahagi ng *salah*.

Ang sinumang hindi nakapagsagawa ng *adhan* at iqamah ay kailangang humingi ng tawad kay Allah sapagkat kapag hindi naisagawa ang mga *fard* kifayah ay nagkakasala ang lahat ngunit hindi sila magkakasala kung may isa o ilan sa kanilang nagsagaw nito. Ang *adhan* at iqamah ay ilan sa mga *fard* kifayah. Kapag isinagawa ang dalawang ito ng sapat na bilang ng tao, hin na tungkulin ng lahat na isagawa ito at hindi na makakasala ang lahat maging sila man ay nanatili sa kanilang lugar o nasa paglalakbay, nasa mga nayon o mga bayan at lunsod o mga ilang.

Hinhiling nat kay Allah na ipagkaloob sa lahat ng mga Muslim ang lahat ng patnubay na ikanalulugod Niya.

18. Maraming mga kapatid sa Islam ang maysadong istrikto pagdating sa paggamit ng *sutrah*¹⁴ anupa't naghihintay silang magkaroon ng *sutrah* kapag sila ay nasa loob ng Masjid at walang makitang bakantgeng halige o ding ding o anumang magagamit na *sutrah*. Pinupuna nila ang nagsasagawa ng *salah* na walang *sutrah*.

Ang iba naman ay hini binibigyang halaga ang *sutrah*. Ano po ba ang tama rito? Ang guhit po ba ay maaring ipamalit sa *sutrah* kapag wala ito? At mayroon po ba naman itong batayan?

Sagot: Ang pagsasagawa ng *salah* na nakaharap sa sutray isang *sunnah* mu'akkhadah (gawaing binigyan ng lubos na pagpapahalaga ng Propeta (SAS) at hini *fard*. Kaya kung hind man nakakita ng anumang nakatay o nakaharang, maari na ang guhit. Ang patunay sa binanggit natin ay ang sinab ng Sugo (SAS): **"Kapag nagsagawa ng salah ang sinuman sa inyo, magsagawa siya ng salah ng nakaharap sa sutrah."** Ang sabi pa ng Propeta (SAS): **"Kapag nagsagawa ng salah ang sinuman sa inyo, maglagay siya sa kanyang harapan ng anumang bagay. Kung wala siyang makita, magtusok siya ng isang patpat (sa kanyang harap).*** Ngunit kung wala siyang makitang patpat, gumuhit siya ng isang guhit (sa kanyang harap) at kapag ginawa niya iyon hindi maapektuhan ang kanyang salah ng nagdaraan sa kanyang harapan."

Napatunayan din sa ibang mga Hadeeth na may mga pagkakataong nagsagawa ng *salah* ang Sugo (SAS) nang walang *sutrah*; kay ito ay nagpapahiwatig na ang *sutrah* ay hindi *fard*. Sa Al-Masjid Al-Jaram, ay hindi nanganailangang maglagay ng *sutrah* ng nagsasagawa ng *salah* doon. Ito ay batay sa napatunayang ginagawa noon ni Ibnu Zubayr (RA). Siya noon ay nagsasagawa ng *salah* sa Al-Masjid Al-Haram nang walang *sutrah* samantalang ang mga nagssagawa ng *tawaf* ay nasa harapan niya. Karagdagan pa rito, ang Al-Masjid Al-Haram ay isang lugar na tagagang inaasahang magkakaroon ng siksikan samaraming pagkakataon at hindi magagawang hadlangang ang mga nagsisdaan sa harap; kaya inalis na ang pagiging kanais-nais ng paglalagay ng *sutrah* na ating nabanggit. Sa Al-Masjid An-Nabawi sa Madinah at sa iba pang lugar na pinagsasagawaan ng *salah*, sa mga sandaling matindi ang siksikan, ay hindi na kailangan ang

¹⁴ Hindi tiyak kung alin sa mga ito.

sutrah. Ito ay bilang pagsunod sa sinabi ni Allah: **“kaya katakutan ninyo si Allah sa abot ng inyong makakaya.”** (64:16) Ang sabi naman ng sugo (SAS): **“Kapag may ipnag-utos sa inyo, gawin ninyo ito sa abot ng inyong makakaya.”** Si Allah ang tagapagpatnubay.

Bawal ang dumaaan sa harap ng nagsasagawa ng *salah* o sa pagitan niya at ng *sutrah*. Ito ay batay sa sinabi ng Propeta (SAS): **“Kung nalalaman lamang ng nagdaraan sa harap ng nagsasagawa ng salah ang pananagutan niya, mas pipiliin pa niyang maghintay ng apatnapung (araw o buwan)* kaysa sa dumaan sa harapan ng nagsasagawa ng salah.”**

19. Nakikita naming inilalagay ng maraming tao ang kamay sa ilalim ng pusod. Ang iba naman ay inilalagay ang kamay sa dibdib at mariin nilang tinutuligsa ang kamay sa dibdib sa tabi ng leeg. May iba namang nakalawit ang kamay. Kung gayon, ano po ang tama sa mga ito? Patnubayan kayo ni Allah.

Sagot: Ipinakikita ng Hadeeth na *saheeh* na ang pinakamainaman para sa nagsasagawa ng *salah* habang nakatayo ay ipatong ang kanyang kanang palad sa kaliwang kamay na nakapatong naman sa kanyang dibdib, bago at pagkatapos yumukod. Pinagtibay ito ng ipinahihiwatig ng Hadeeth na isinalaysay ni Wa'il bin Hujr at Qabeesah bin Halab At-Tae ayon sa kanyang ama -- kalugdan sila ni Allah -- at pinagtibay rin iyon ng ipinahihiwatig ng Hadeeth na isinalaysay ni Sahl bin Sa'd As-Sa'dee (RA). Tungkol naman sa paglalagay ng kamay sa ilalim ng pusod, ito ay nasasaad sa isang Hadeeth na *da'eef* (mahina anupa't hindi mapaniniwalaan o mapagbabatayan) na diumano'y isinalaysay ni 'Ali bin Abee Talib (RA). Tungkol naman sa paglawit ng kamay o paglalagay sa digdib sa tabi ng leeg, ito ay salaungat sa *sunnah*. Si Allah ang tagapagpatnubay.

20. Maraming mga kapatid sa Islam ang nagpapahalaga sa pag-upo nakung tawagin ay jalsatu itirahah¹⁵ at pinupuna ang hind umuupo nang ganito. Ano po ang hatol dito? At kanais-nais poi ba ang ganitong pag-upo para sa *imam* (namaumuno sa *salah*) at ma'moon (taong pinangungunahan ng *imam* sa *salah*) kung papanong ito ay kanais-nais para sa *munfarid* (mag-isang nagsasagawa ng *salah*).

Sagot: Ang Jalsatul istirahah ay kanais-nais para sa *imam*, ma'mmom, at *munfarid*. Ang pag-upong ito ay katulad ng pag-upo sa pagitan ng dalawang papapatirapa. Ito ay daglian at walang *dhikr* o dua'a na binibigkas dito. At ang sinumang hindi naupo ng ganito ay hindi nagkakasala. Ang mga Hadeeth hinggil sa pag-upong ito ay napatunayang buhat sa Propeta (SAS). Ang ilan sa mga Hadeeth na ito ay isinalaysay nina Malik bin Al-Huwarith at Abu Hameed As-Sa'idee at ng isang pangkat ng mga *sahabah* (RA). Ai Allah ang pumapagpatnubay.

21. Papanong isasagawa ng isang Muslim ang *salah* sa loob ng eroplano? At mas mabuti ba para sa kanya na isagawa ang *salah* sa umpisa ng oras nito habang nasa eroplano o maghintay na makarating sa paliparan at magsagawa doon ng *salah* sa katapusan ng oras nito?

Sagot: Ang isang Muslim na nakalulan sa eroplano ay kailangang magsagawa ng *salah* doon sa abot ng kanyang makakaya kapag dumating na ang oras nito. Kung magagawa niyang

¹⁵ Ito ang dagliang pag-upo pagkatapos ng ikalawang pag-papatirapa sa unang *rak'ah* at ikatlong *rak'ah* ng mga *salah* na binubuo ng apat na *ra'ah* at pagkatapos ng ikalawang pag-papatirapa ng unang *rak'ah* ng *salah* na binubuo ng tatlo o dalawang *rak'ah*.

magsagawa ng *salah* na may kasamang patayo (*qiyam*), pagyukod (*ruku`*), at pagpapatirapa (*sujud*), gagawin niya ang mga ito. Kung hindi magagawa ang mga iyon, isasagawa ang *salah* ng nakaupo. Ang pagyukod (*ruku`*) at ang papapatirapa (*sujud*) ay ipahihiwatig (sa pamamagitan ng pagyuko ng ulo at pagyukod ng katawan). Kung makakita siya ng isang lugar sa eroplano na maari tumayo at magpatirapa sa sahig sa halip na ipapahiwatig ang mga kilos na ito, kailangan magsagawa ng *salah* sa lugar na iyon. Ito ay batay sa sinabi ni Allah: **“Kaya katakutan ninyo si Allah sa abot ng inyong makakaya.”** (64:16) at batay din sa sinabi ng Propeta (SAS) kay ‘Imran bin Husayn (RA) ng ito ay may sakit: **“Isagawa mo ang salah nang patayo; kung hindi mo kaya, isagawa mo nang paupo; kung hindi mo kaya, isagawa mo nang pahigang nakatagilid.”** Ito ang salaysay sa *Saheeh* Al-Bukhari ngunit ang salaysay na Nasa’ee ay may dagdag na: **“kung hind mo parin kaya, isagawa mo nang patihaya.”** Ang mabuti para sa kanya ay ang isagawa ang *salah* sa simula pa lamang ng oras nito. Ngunit kung ipahuli man niya ang pagsasagawa ng *salah* at isagawa ito kapag malapit ng magtapos ang oras nito upang ito ay isagawa sa labas ng eroplano, walang masama ayon sa lahat ng mga patunay. Ang patakaran para sa nakasakay sa kotse, tren, at barko ay ang mismong patakaran para sa nakasay sa eroplano. Si Allah ang tagapagpatnubay.

22. Maraming mga tao ang gumagawa ng maraming mga walang kabuluhang kilos at kalikutan habang nagsasagawa ng *salah*: mayroon po bang itinakdang bilang ng galaw na makapagpapawalang-saysay sa *salah*? At ang pagtatakda sa tatlong magkasunod na galaw (na walang kaugnayan sa *salah* na diumanoy’y nakakapagpapawalang-saysay sa *salah*) ay may batayan po ba? Ano po ang inyong maipapayo sa taong sobrang likot sa *salah*?

Sagot: Ang mananampalataya, lalaki man o babae, ay kailangang maging panatag sa pagsasagawa ng *salah* it iwasan ang mga walang kabuluhang kilos sapagkat ang kapanatagan ay bahagi ng *salah*. Nasasaad sa Hadeeth na nasa *Saheehayn* na inutusan ng Propeta (SAS) ang isang taong hindi panatag ang pagsasagawa ng *salah* na ulitin ang *salah*. Itinatagubilin sa bawat Muslim, lalaki man o babae, na isagawa ang *salah* nang maykataimtiman, sigasig, at konsentrasyon sa harap ni Allah sapagkat ang sabi Niya: **“Tunay na matagumpay ang mga mananampalataya na sa kanilang pagsasagawa ng salah ay mataimtim na nagpapapakumbaba.”** (23:12) Hindi rin maganda na kung anu-ano ang gagawin sa damit o sa balbas o maging ano pa man iyon. At sa aking pagkakaalam ayon sa sharee’ah, ipinagbabawal ang marami at sunod-sunod na mga walang kabuluhang kilos at galaw at ang *salah* ay nawawalan din ng saysay.

Walang takdang bilang (ang mga walang kabuluhang galaw na nagpapawalang-saysay sa *salah*) at ang sinasabing pagtatakda sa tatlong galaw ay maling pahayag at awalang batayan. Ang maaasahang pahayag sa kung ano ang maraming walang kabuluhang galaw ay ang paniniwala ng nagsasagawa ng *salah*. Kapag naniwala siya na siya ay nakagawa ng maraming walang kabuluhang galaw at nagkasunod-sunod pa iyon, kailangang ulitin niya ang *salah* kung ito ay *fard* at kailangang pagsisihan niya iyon. Ang aking payo sa bawat lalaki at babaeng Muslim ay maging maselan sa pagsasagawa ng *salah*, mataimtim, at huwag gumawa ng mga walanng kabuluhang galaw kahit kaunti lamang dahil napakadakila ng kalagayan ng *salah* sapagkat ito ang pangunahing haligi ng Islam, painakadilang saligan ng Islam matapos ang shahadatan, at ang unang gawa na pananagutan ng tao sa araw ng paghuhukom.

Patnubayn nawa ni Allah ang mga Muslim sa pagsasagawa nila ng *salah* sa paraang iknalulugod Niya.

23. Ano po ba ang lalong mainam kapag magpapatrapa, ilapag muna ang tuhod bago ang mga kamay o ang kabaligtaran? Papaano pagtutugmain ang dalawang Hadeeth hinggil dito na magkasalungat?

Sagot: Ang *sunnah* para sa nagsasagawa ng *salah*, kapag nais niyang magpatirapa, ay ilapag niya muna ang mga tuhod bago ang mga kamay kung kaya niya ito. Ito ang pinakatumpak na pahayag ng nakararaming mga pantas batay sa Hadeeth na isinalaysay ni Wa'il bin Hujr (RA) at iba pang mga hadeeth na ganito rin ang kahulugan. Tungkol naman sa Hadeeth na isinalaysay ni Abu Hurrayrah (RA), ang totoo niyan ay hindi nito sinasalungat (ang Hadeeth na isinalaysay ni Wa'il) sa halip ay tumutugma pa ito roon sapagkat sa Hadeeth na ito ay ipinagbabawal ng Propeta (SAS) sa nasasagawa ng *salah* na lumuhod na gaya ng pagluhod ng kamelyo. At ang sinabi sa katapusan ng Hadeeth na ito. **“At ilapag niya muna ang kanyang mga kamay bago ang kanayng mga tuhod”** ay malamang na isang pagkakamali ng mananalaysay. Ang tama ay: “Ilapag niya muna ang mga tuhod bago ang mga kamay.” Sa ganito ay napagtutugma ang mga Hadeeth at ang huling bahagi ng Hadeeth na nabanggit ay tumutugma na sa simula ng Hadeeth at naalis na ang pakakasalungatan. Ganito rin ang pakahulugang ibingay ni Ibnul Qayyim -- kahabagan siya ni Allah -- sa kanyang akalat na pinamagatang *Zadul Ma'ad*.

Ang hindi naman kayang unahin ang mga tuhod sanhi ng kahinaan o katandaan ay hindi masisisi sa pag-una ng kanyang mga kamay ayon sa sinabi ni Allah: **“Kaya katakutan ninyo si Allah sa abot ng inyong makakaya.”** At ayon sa sinabi ng Propeta (SAS): **“Ang ipinagbawal ko sa inyo ay iwasan ninyo at ang ipinag-utos ko sa inyo ay gawin sa abot ng inyong mgkakay.”** Si Allah ang tagapagpatnubay.

24. Ano po ang opinyon ninyo sa pag-ehem habang nagsasagawa ng *salah*, pag-hip, at pag-iyak; nakakapapawalang -- saysay po ba ang mga ito sa *salah*?

Sagot: Ang pag-ehem, pag-hip, at pa-iyak -- ang lahat nang ito ay hindi nakakapagpawalang -- bisa sa *salah* at walang masama kung talagang tinatawag ng pangngilangan. *Makrooh* lamang gawin ang mga ito kundi kailangan sapagkat ang Propeta (SAS) ay umeehem kay 'Ali (RA) kapag siya ay humihingi ng pahintulot dito habang siya ay nagsasagawa ng *salah*. Ang pag-iyak na ito ay buhat sa pagpapakumababa, debosyon kay Allah, at walang halong pagkukunwari. Naiulat na ang Propeta (SAS) ay umiiyak sa *salah*. Ganito rin ang naiulat tungkol kina Abu Bakr, 'Umar, mga sahaba, at mga tagasunod nila – kalugdan silang lahat ni Allah.

25. Ano po ang hatol sa pakikipagkamay pagkatapos ng *salah*? At mayroon po bang pagkakaiba ang pakikipatkamay pagkatapos ng *salah* na *fard* sa pakikipagkamay pagkataos ng *salah* na sunah?

Sagot: Ang pakikipagkamay kapag nagkikita ang mga Muslim ay itinatagubilin. Ang Propeta (SAS) ay nakikipagkamay sa kanyang mga *sahabah* (RA) kapag nakatagpo niya sila. At ang mga *sahabah* rin ay nagkakamayan kapag nakikita. Ang sabi nina Anas (RA) at Ash-Sha'bi -- kahabagan sila ni Allah: “Kapag nagkikita ang mga *sahabah*, sila ay nagkakamayan; at kapag

silang ay dumating buhat sa isang paglalakbay, sila ay nayayakapan.” Nasasaad sa Hadeeth na nasa *Saheehayn* na si Talhah bin “Ubaydullah na isa sa sampung tao na tiniyak na papasok sa paraiso -- kahabagan sila ni Allah -- ay tumayo sa pagtitipon ng Propeta sa Masjid nito ay lumapit kay Ka’b bin Malik (RA) nang ito ay gawaran ni Allah ng kapatawaran upang makipagkamay rito at batiin ito sa kapatawarang natamo nito. Ang gawaing ito ay laganap noon kanahunan ng Propeta (SAS) at noong wala na siya. Nasasaad sa Hadeeth na kanyang sinabi na: **“Kapag ang dalawang Muslim ay nagkita at saka nagkamayan, malalagas sa kanila ang kanilang kasalanan tulad ng pagkalagas sa kahoy ng dahon nito.”**

Isang kanais-nais na bagay ang pakikipagkamay kapag nagkita sa Masjid o sa klase, Kapag hindi nakipagkamay bago magsagawa ng *salah*, makipagkamay pagkatapos nito nang sa gayon ay maisagawa ang dakilang *sunnah* na ito sapagkat ito ay nagpapatibay sa pagmamahalan at nag-aalis ng sama ng loob. Kung hindi kinamayan ng isang Muslim ang kanyang kapwa bago magsagawa ng *salah* na *fard*, makabubuting kamayan niya ito pagkatapos ng *salah* matapos bigkasin ang *dhikr*. Tungkol naman sa ginagawa ng ibang mga tao na nakikipagkamayan kaagad matapos na isagawa ang ikalawang *tasleem* ng *salah* na *fard*, wala akong nalalaman na itoy may batayan. Datapuwa’t malinaw na ito ay hindi maganda dahil walang batayan ang ganito at sa dahilang ang nagsasagawa ng *salah*, sa pagkakataong ito, ay dapat na bumigkas ng mga *dhikr* na siyang ginagawa noon ng Propeta (SAS) pagkatapos magsabi ng *tasleem* sa *salah* na *fard*. Tungkol naman sa *salah* na sunah, mabuting makipagkamayan pagkatapos magsabi ng *tasleem* kung hindi nagkamayan bago magsagawa ng *salah*. Subhalit kung nagkamayan na bago magsagawa ng *salah*, sapat na iyon.

26. Mayroon bang Hadeeth na nagpapatunay na kanais-nais ang pagpalit ng lugar kapag magsasagawa ng *salah* na *sunnah* pagkatapos magsagawa ng isang *salah*?

Sagot: Walang Hadeeth na *saheeh*, sa aking pagkakaalam, hinggil dito. Subalit si Ibnu ‘Umar (RA) at ang maraming salaf¹⁶ ay ginagawa ito. May isang Hadeeth na *da’eef* hinggil dito na iniulat ni Abu Dawud -- kahabagan siya ni Allah. Ang ginagawa ni Ibnu Umar at ng salaf ay maaring kumatig sa Hadeeth na *de’eef* na ito. Si Allah ang tagapagpatnubay.

27. May Hadeeth na naghihikayat na sabihin ang *dhikr* na: ***laa ilaaha illallaah, wahdahu laa shareeka lah, laahul mulku wa laahul hamd, wa huwa ‘alaa kulli shay’in qadeer*** nang sampung beses pagkatapos ng *salah* sa *fajr* at maghrib; *saheeh* po ba ang Hadeeth na ito?

Sagot: Ang mga Hadeeth tungkol dito sa sahheh at buhat sa Propeta (SAS). Ang lahat ng ito ay nagpapatunay na *sunnah* ang *dhikr* na nabaggit pakatapos ng *salah* sa *fajr* at maghrib. Binibigkas ang: ***laa ilaaha illaahah, wahdahu laa shareeka lah, laahul mulku wa laahul hamd, wa huwa ‘alaa kulli shay’in qadeer*** nang sampung beses. Sunah para sa bawat mananampalataya, lalaki man o babae, na palagi itong bigkasin pagkatapos ng *salah* sa *fajr* at maghrib. Bibigkasin ito pagkatapos ng mga *dhikr* na *sunnah* rin matapos magsabi ng *tasleem* sa

¹⁶ Sila ang mga taong nagunguna sa sambayanang Muslim na kinabibilangan ng mga *sahabah* ng Propeta (SAS), mga tagasunod ng mga ito, at ang mga *imam* ng Islam sa unang tatlong siglo ng Islam. Ang katawagang ito ay itinaguri rin sa sinumang ginagawang huwaran ang salaf.

lahat ng limang *salah* na *fard*. Pagkatapos magsabi ng *tasleem* ay sasabihin ang mga *dhikr* na ito.

***Astaghfirulaah* (3x)**

Patawarin mo po ako Allah.

Allahuma antas wa minkas salaam, tabaarakta yaa dhal jalaali wal ikram

O Allah, ikaw po ang Walang kapintasan at sa Iyo po nagmumula ang kapayapaan, Ikaw po ay pakabanalin, Ikaw na karapat-dapat sa pagpipitagan at pagpaparangal

Laa ilaaha illaallah, wahdahu laa shareeka lah, lahul mulku wa lahul hamd, wa huwa 'alaa kulli shay'in qadeer

Walang ibang diyos maliban pa kay Allah, tanging Siya lamang, wala Siyang katambal. Sa Kanya lamang ang paghahari at sa Kanya lamang nauukol ang pagpupuri. At Siya ay may kapangyarihan sa lahat ng bagay.

Laa hawla wa laa qoowata illaa billaah

Walang lakas at walang kapangyarihan kundi sa pamamagitan ni Allah.

Laa ilaaha illallaah, wa laa na'budu illaa iyyaah, lahun ni'matu wa lahul fadlu wa lahuth thanaa ulhasan, laa ilaaha illallaah,

Walang ibang diyos maliban pa kay Allah, at wala tayong iba pang sinasamba kundi Siya lamang. Angkin niya ang pagpapala at angkin din Niya ang biyaya at sa Kanya lamang nauukol ang mainam na papuri. Walang ibang diyos maliban kay Allah, manalangin kayo nang tapat sa Kanya, sa Kanya lamang ang pagtalima, kasuklaman man ito ng mga hindi sumasamplataya.

Allaahumma laa maani'a lima a'tayta, wa laa mu'tiya lima mana'ta, wa laa yanfa'u dhal jaddi minkal jadd

O Allah, wala po makakapigil sa Iyong pagkakalooban at wala pong makapagbibigay kapag pinigilan Mo. At hindi po makapagbibigay ng kapakinabangan sa taong may mgandang kapalaran ang mgandang kapalaran sapagkat sa Iyo po ito nagmumula.

(Pagkatapos ng mga *dhikr* na nabanggit sa itaas ay bigkasin ang *dhikr* na ito nang sampung beses pagkatapos ng *salah* sa *fajr* at maghrib at isang beses naman pagkatapos ng *salah* sa *dhuhr*, *'asr*, at *'isha*)

Para sa *imam* sa *salah*, *sunnah* na humarap sa mga *ma'moom* pagkatapos sabihin ang ***astaghfirullaah*** nang tatlong beses at ang ***allaahumma antas salaamu wa minkas salaam, tabarakata yaa dhal jalaali wal ikram*** bilang pagtulad sa Propeta (SAS).

laa ilaaha illallaah, wahdahu laa shareeka lah, lahul mulku walahul hamd, wa huwa 'alaa kulli shay' in qadeer.

Walang ibang diyos maliban pa kay Allah, tanging Siya lamang, wala Siyang katambal. Sa Kanya lamang ang paghahari at sa Kanya lamang nauukol ang pagpupuri. Siya ay may kapangyarihan sa lahat ng bagay.

Kanaish-nais din para sa nagsasagawa ng *salah*, pagkatapos ng bawat *salah* na *fard* at pagkatapos ng *dhikr* na nabanggit, na sabihin ang mga sumusunod:

Subhaanallaah (3X)

Kaluwalhatian kay Allah.

Alhamdul lillah (3X)

Ang papuri ay nauukol kay Allah.

Allahu akbar (3X)

Si Allah ay Dakila

Ang lahat ng ito ay siyamnapu't siyam. Upang maging isandaan lahat ay sasabihin niya ang sumusunod sapagkat naiulat buhat sa Propeta (SAS) na hinhiling niyang bigkasin ito at nasasaad din na ito ay isa sa mga dahilan ng kapatawaran:

Laa ilaaha illallaah, wahdahu laa shareeka lah, lahul mulku wa lahul hamd, wa huwa 'alaa kulli shay'in qadeer.

Pagkatapos ng lahat ng mga *dhikr* na nabanggit ay *sunnah* din para sa mga nagsasagawa ng *salah* pagkatapos ng bawat *salah* na *fard* na bigkasin ang ayatul kursee, suratul ikhlas, suratul falaq, at suratul nas. *Sunnah* bigkasin nang tigतालong beses ang tatlong surah na nabanggit (iklas, falaq, at nas) pagkatapos ng *salah* sa maghrib at *fajr* at bago matulog dahil nabanggit ito sa mga Hadeeth na *saheeh*.

28. Ang maraming mga Muslim sa ngayon ay pabaya sa pagsasagawa ng *salah* sa *jama`ah* at pati na ang ilang mga maga-aral ng Islam. Ang idinadahilan nila ay may ilang mga pantas ng Islam na diumano ay nagsabing hindi raw ito *fard*. Kaya ano po ang hatol hinggil sa *salah* sa *jama`ah* at ano po ang inyong maipapayo sa mga iyon?

Sagot: Ayon pinakatumpak na pahayag ng mga pantas, ang *salah* sa *jama`ah* kasama ng iba pang mga Muslim sa mga Masjid ay hindi mapasusubaliang tungkulin ng bawat lalaking may kakayahan at naririnig ang *adhan*. Ito ay ayon sa sinabi ng Propeta (SAS): ***“ang sinumang makarinig ng panawagan ng salah ngunit hindi dumalo, wala siyang salah maliban na lamang kung may magandang dahilan.”*** Tinanong si Ibnu ‘Abbas (RA) kung ano ang magandang dahilan, kaya ang sabi niya: “Takot o karamdaman.” Sa isa pang Hadeeth tungkol sa Propeta (SAS) ay isinalaysay ni Abu Hurayrah (RA) na pinuntahan ang Propeta (SAS) ng isang lalaking bulag at ang sabi: “O Sugo ni Allah, wala po akong gabay na papatnubay sa akin sa pagpunta sa Masjid: Kaya mayroon po ba akong kapahintulutan na isagawa ang *salah* sa aking bahay?” Ang sabi ng Propeta (SAS): ***“Naririnig mo ba ang panawagan ng salah?”*** “Opo” sabi niya. ***“Kung gayon ay tugunin mo (ang panawagan),”***¹⁷ sabi naman niya (SAS). Sa isa pang sinabi ng Propeta (SAS): ***“Napag-isipan kong mag-utos na simulan ang pagsasagawa ng salah at saka uutusan ko ang isang lalaki na mamuno sa salah at akoy aalis, kasama ng ilang kalalakihan na may dalang mga bigkis ng panggatong , papunta sa mga taong hindi dumadalo sa salah upang aking sunugin ang kanilang mga bahay.”*** Ang kahulugan ng lahat

¹⁷ Isagawa mo ang *salah* sa Masjid.

ng mga Hadeeth na ito ay nagpapatunay na ang *salah* sa *jama`ah* sa nga Nashud at *fard* oara sa mga kalalakihan at ang sinumang hindi dumalo ay karapat-dapat sa parusa. At kung sakaling ang sala sa *jama`ah* sa mga Masjid ay hindi *fard*, hindi sana naging karapat-dapat sa parusa ang hindi dumadalo sa *jama`ah*.. Dahil sa itong pagsasagawa ng *salah* sa mga Masjid ay isa sa dakilang gawaing panlabas sa Islam, isa sa mga dahilan ng pagkakila-kilala ng mga Muslim, pinagmumulan ng pag-ibig at pagmamahal, nag-aalis ng sama ng loob, at sapagkat ang hindi pagdalo sa *salah* sa *jama`ah* ay paggaya sa mga taong nagpapangap na Muslim; kailangang magingat na hindi makadalo sa *salah* sa *jama`ah*. Hindi nararapat na bigyang lahat ng salitang sumasalungat sa mga patunay ng Sharee`ah ay kailangang iwaksi at hindi gagawing batayan, Ito ay ayon sa sinabi ni Allah: **“Kapay may isang bagay kayong pinagtalunan, isangguni ninyo ito kay Allah at sa Sugo kung talagang naniniwala kayo kay Allah at sa kabilang buhay. Iyan ang mainam at pinakaankop na huling pasya.”** (4:59) Ang sabi pa Niya: **“Ang anumang bagay na hindi ninyo mapagkasunduan, ang hatol nito ay kay Allah.”** (42:10) Sa isang Hadeeth na nasa *Saheehayn*, ang sabi ni Abdullah bin Mas`ood (RA): **“Nasaksihan namin na walang nagpapghuli sa pagdalo sa salah sa jama`ah kundi ang nagpapanggap na Muslim o ang may-karamdaman. At kahit na ang nanghihina ay dinadala sa Masjid. Inaalalayan ng dalawang lalaki hangang sa mailagay sa hanay ng salah.”** Walang duda na ito ay nagpapatunay sa pagpapahalaga ng mga *sahabah* (RA) sa *salah* sa *jama`ah* sa Masjid at sa marubdob nilang hangarin na makadalo rito anupa’t kung magkaminsan ay may hinahatid silang lalaking may-karamdaman na inaalalayan ng dalawang lalaki hanggang sa mailagay sa hanay ng *salah*. Iyon ay nagpapakita lamang kung gaano karubdob ang kanilang hangad na makadalo sa *salah* sa *jama`ah* -- kahabagan silang lahat ni Allah. Si Allah ang tagapagpatnubay.

29. Nagkakaiba ang mga pananaw ng mga pantas hinggil sa pagbigkas ng ma`moon ng suratul *fatihah* sa likod ng *imam*, ano po ang tama rito? Ang ma`moon po ba ay kailangan bumigkas ng suratul *fatihah*? At kailan po ba niya maaring bigkasin ang suratul *fatihah* kung ang *imam* ay hindi tumitigil sa pagbigkas? *Sunnah* po ba para sa *imam* ang tumahimik nang ilang sandali matapos na bigkasin ang suratul *fatihah* nang sa gayon ay mabigkas naman ito ng ma`moom?

Sagot: Ang wasto ay kailangang bigkasin ng ma`moom ang suratul *fatihah* sa lahat ng limang *fard* na *salah* ayon sa sinabi ng Propeta (SAS): **“Walang salah ang hindi bumibigkas ng suratul fatihah.”** Ang sabi pa niya (SAS) sa kanyang *sahabah* (RA): **“Sana ay bumibigkas kayo sa likod ng inyong imam.”** Ang sabi naman nila: **“Opo”** Ang sabi naman niya (SAS): **“Huwag kayong bumigkas ng iba pa maliban sa suratul fatihah; sapagkat walang salah ang hindi bumigkas ng suratul fatihah.”**

Ang pagbigkas ng suratul *fatihah* ay *sunnah* habang nanahimik ang *imam*. Kung hindi tumitigil sa pagbigkas ang *imam*, bibigkasin ng ma`moom ang suratul *fatihah* kahit na bumibigkas din ang *imam*. At itong pagbigkas ng suratul *fatihah* kahit na bumibigkas din ang *imam* ay hindi saklaw ng mga patunay na nagpapatunay na kailangang tumahimik kapag nagbabasa ang *imam*. Subalit kung sakaling nakalimutan ng ma`moom na bigkasin ang suratul *fatihah* o hindi ginawa dahil di-alam na ito ay kailangan o dahil sa paniniwalang hindi ito *fard*, wala siyang pagkakamali at sapat na para sa kanya ang pagbigkas ng *imam* ayon sa pahayag ng nakararaming mga pantas. Ganoon din naman kung dumating siya habang ang *imam* ay nakayukod, yuyukod din siyang kasama nito at sapat na sa kanya ang pagyukod na ito. Hindi na rin niya kailangang bigkasin ang suratul *fatihah* dahil hindi niya ito naabutan. Sa isang Hadeeth na isinalaysay ni Abu Bakrah ath Thaqafi

(RA), sinabi rito na siya ay pumunta sa Propeta habang ito nakayukod kaya yumokod narin siya nang wala sa hanay at saka lamang pumasok sa hanay pagkatapos yumukod. Pgakatapos ng Propeta (SAS) na magsabi ng *tasleem*, siya ay sinabihan nito (SAS): **“Naway pag-ibayuhin ni Allah ang marubdob mong hangaring gumawa ng mabuti. Ngunit huwag mo nang ulitin.”** Ang Hadeeth na ito ay nasa *Saheeh* Al-Bukhari. Hindi siya inutusan ng Propeta (SAS) na ulitin ang *rak`ah* (na naabutan niya ng yumukod nang wala sa hanay). Ang ibig sabihin ng sinabi ng Propeta (SAS) na: **“Huwag mo nang ulitin”** ay huwag mo nang ulitin ang pagyukod nang wala sa hanay Dahil dito ay nalaman na ang *sunnah* para sa isang pumasok sa Masjid, habang ang *imam* ay nakayukod, ay huwag yumukod sa likod ng hanay. Sa halip, kailangan maghintay hanggang sa makarating sa hanay kahit na hindi niya mahabol ang pagyukod. Ito ay ayon sa sinabi na Propeta (SAS): **“Kapag kayo ay pupunta sa salah, maglakad ng mahinahon. Ang anumang maabutan ninyo sa salah ay isagawa ninyo at kumpletuhin ninyo ang natitirang hindi ninyo nagawa.”**

Tungkol naman sa Hadeeth na nagsasabing : **“Ang sinumang may imam, ang pagbigkas nito ay pagbigkas niya rin.”** ,ito ay isang Hadeeth na *da`eef* – hindi ginagamit na patunay ng mga pantas. At kahit maging *saheeh* man ang Hadeeth na ito, ang suratul *fatihah* ay sasaklawan nito nang sa gayon ay tumutugma ito sa iba pang mga Hadeeth.

Tungkol naman sa pananahimik pagkatapos ng suratul *fatiha*, wala akong alam na Hadeeth na *saheeh* tungkol dito. Sa puntong ito ay maluwag kung nanaisin ni Allah. Kaya kung sinuman ang hihinto at mananahimik na ilang sandali pagkatapos ng suratul *fatiha*, walang masama; at kung sino mana ang ayaw gawin ito, wala ring masama sapagkat hindi napatunayang ito ay ginawa ng Propeta (SAS), ayon sa aking pagkakaalam. Ang napatunayang ginawa ng Propeta (SAS) ay ang dalawang pananahimik: ang una ay pagkatapos ng *takbeeratul ihram*¹⁸ at habang nanahimik ay *sunnah* na bigkasin nang tahimik ang istifah;¹⁹ at ang ikalawa ya pagkatapos bumigkas ng talata sa Qur'an at bago yumukod. Ang ikalawang pananahimik ay dagliang pananahimik na naghihiwalay sa pagbigkas ng talata sa Qur'an at sa *takbeer*.

30. Nasasad sa Hadeeth na pinagbabawalang lumapit sa Masjid ang sinumang kumain ng sibuyas o bawang.²⁰ Saklaw rin ba ng pagbabawal na ito ang may masamang amoy pagbabawal na ito ay ang may masamang amoy buhat sa isang bagay na ipinagbabawal gaya ng sigarilyo? At nangangahulugan bang ang sinumang gumamit ng mga bagay na ito ay may dahilang hindi dumalo sa *salah* sa *jama`ah* at hindi magkakasala sa di-pagdalo?

Sagot: Napatunayang sinabi ng Sugo (SAS) na: **“Ang sinumang kumain ng bawang o sibuyas ay huwag lalapit sa ating Masjid at sa bahay na lamang siya magsagawa ng salah.”** Napatunayan din na sinabi niya (SAS) na: **“Ang mga Angel ay nayayamot din nakakayamot na mga tao.”** At ang lahat ng may masamang amoy ay itinuturing na parang kumain ng bawang o sibuyas gaya halimbawa ng paninigarilyo, may amoy sa kilikili at iba pang nakakapinsala sa kanyang katabi. *Makrooh* para sa kanya na magsagawa ng *salah* kasama ng *jama`ah*. Iyon ay ipinagbabawal hanggang sa hindi siya gumagamit ng pang-alis sa amoy ng ito. Kailangan gawin

¹⁸ Ito ang kaun-unahang pagsabi ng *allaahu akbar* sa *salah*.

¹⁹ Ang *du`a`* na: *Subhaanaka laahumma wa bihamdika wa tabarakasmukha wa ta`aalaa jadduka wa laa ilaaha ghayruk*.

²⁰ Dahil ang taong kumain nito ay nangangamoy.

niya iyon sa abot ng kanyang makakaya ng sa gayon ay maisagawa niya ang kanyang tungkulin kay Allah na magsagawa ng *salah* sa *jama'ah*. Ang paninigarilyo ay ipinagbabawal at kailangan iwaksi ito sa lahat ng oras yaman din lamang na ito ay may maraming masamang naidudulot sa relihiyon, sa katawan, at sa pera.

Nawa'y pabutihin ni Allah ang kalagayan ng mga Muslim at patnubayan sila sa lahat ng mabuti.

31. Sisimulan po ba ang hanay ng *salah* sa kanan ng *imam* o sa likuran niya mismo? *Sunnah* po bang magkasindami ang bilang sa kanan at kaliwa? Anupa't sinasabing pagpantayin ang haba ng hanay (sa kanan at kaliwa) gaya ng sinasabi ng maraming *imam*.

Sagot: Ang hanay ay sisimulan sa gitna buhat sa likod ng *imam*. Ang kanan ng bawat hanay ay mas mainam kaysa kaliwa nito. Kailangan huwag magsimulang gumawa ng isa pang hanay hangang hindi pa kumpleto ang naunang hanay. Walang masama kung mas marami ang mga tao sa kanan ng hanay. At hindi kailangan pagpantayin ang bilang (ng kanan at kaliwang bahagi ng hanay), datapwat ang pag-uutos ng ganito ay salungat sa *sunnah*. Subalit hindi gagawa ng ikalawang hanay hangga't hindi nabubuo ang unang hanay at hindi gagawa ng ikatlong hanay hangang hindi nabubuo ang ikalawang at ganoon din sa nalalabi pang mga hanay sapgkat napatunayang ganoon ang ipinag-utos ng Propeta (SAS).

32. Ano po ang masasabi ninyo sa *muftarid* (taong nagsagawa ng sala na *fard*) na ang ginawang *imam* ay ang *mutanaffil* (taong nagsasagawa ng sala na *sunnah*)?

Sagot: Walang masama kung gagawing *imam* ng *muftarid* ang *mutanaffil* sapagkat napatunayang sa ilang uri ng salatul *khawf*²¹ ay nagsagawa ang Propeta (SAS) ng *salah* na dalawang *rak'ah* bilang *imam* ng isang pangkat at saka sinabi ang *tasleem*. Pagkatapos nito ay nagsagawa uli siya ng *salah* ng dalang *rak'ah* bilang *imam* ng isa pang pangkat at saka sinabi ang *tasleem*. Ang una niyang *salah* ay *fard* at ang ikalawang ay sunah ngunit ang mga ma'moon ng dalawang pangkat ay mga *muftarid* lahat. Napatunayan din sa Hadeeth na isinalaysay ni Mu'adh bin Jabal (RA) na siya ay nagsagawa ng *salah* sa '*isha*' kasama ng Propeta (SAS) at pagkatapos ay umuwi siya sa kanyang mga kanayon upang maging *imam* nila sa *salah*. Ang *salah* na isinagawa niya ay upang maging *imam* nila sa *salah*. Ang *salah* na isinagawa niya ay sunah at and sa kanila naman ay *fard*. Katulad din ito ng sa buwan ng Ramadan. Kung sakaling dumating sa Masjid ang isang tao.

Samantalang ang mga tao ay nagsasagawa ng *salah* na taraweeth²² at siya naman ay hindi nakapagsagawa ng *salah* sa '*isha*', sa ganitong pagkakataon ay sasabay siya sa kanila upang isagawa ang '*isha*' nang sa gayon ay matamo niya ang biyaya sa pagsasagawa ng *salah* sa *jama'ah*. Kapag nagsabi ng *tasleem* ang *imam*, tatayo siya upang kumpletuhin ang kanyang *salah*.

²¹ Ito ang tawag sa limang *salah* na *fard* sa panahon ng ang mga nagsasagawa nito ay nasa larangan ng digmaan. Ang salatul *khawf* ay nangangahulugang *salah* sa panahon ng pangamba o takot. Sa *salah* na ito, ang mga *salah* na binubuo ng apat na *rak'ah* ay pinapaiksi sa dalawang *rak'ah*.

²² Isang uri ng *salah* na *sunnah* na isinagawa sa buwan ng Ramadan pagkatapos ng sala sa '*isha*'.

33. Ano ang hatol sa *salah* ng taong mag-isang nagsasagawa ng *salah* sa likod ng hanay? Kapag dumating at hindi nakakita ng lugar sa hanay, ano ang gagawin? Kapag nakakita ng batang wala pa sa wastong gulang, maari ba siyang gumawa ng bagong hanay kasama nito?

Sagot: Walang saysay ang *salah* na ginawang mag-isa (walang katabi) sa likod ng hanay. Ito ay ayon sa Propeta (SAS): **“Walang salah ang mag-isang nagsagawa ng salahsa likod ng hanay.”** At dahil napatunayang inatasan ng Propeta (SAS) ang mag-isang nagsasagawa ng *salah* sa likod ng hanay na ulitin ang *salah* at hindi niya ito tinanong kung may nakitang puwang sa hanay o wala, ito ay nagpapatunay lamang na walang pinagkaiba ang may nakitang puwang sa hanay at ang walang nakitang puwang upang magkaroon ng dahilan ng mag-isang magsagawa ng *salah* sa likod ng hanay. Subalit kung may dumating na hindi nakaabot sa umpisa ng *salah* samantalang ang *imam* ay nakayukod at siya ay yumokod nang wala sa hanay at saka pumasok sa hanay bago nagpatirapa, sapat na iyon para sa kanya. Ito ay ayon sa Hadeeth na isinalaysay ni Abu Bakrah ath-Thaqafi (RA). Ayon sa kanyang sanaysay, dumating siya sa *salah* samantalang ang Propeta (SAS) ay nakayukod kaya yumokod siya nang wala sa hanay at pagkatapos nito ay pumasok sa hanay. Pagkatapos ng *salah* ay sinabi sa kanya ng Propeta (SAS): **“Nawa’y pag-ibayuhin ni Allah ang marubdob mong hangarin na gumawa ng kabutihan. Ngunit huwag mo nang ulitin.”**²³ Hindi siya inutusan ng Propeta (SAS) na magsagawa ng isa pang *rak`ah*.

Ang dumating naman habang ang *imam* ay nagsasagawa ng ang *salah* at hindi nakakita ng puwang sa hanay ay maghintay hangang sa makakita ng makakasama sa hanay kahit na isang batang pitong taong gulang lamang o higit pa o pupunta sa harap at tatabi sa kanan ng *imam*. Gagawin ito upang masunod and nasasaad sa mga Hadeeth.

Patnubayan ni Allah ang mga Muslim upang maunawaan ang relihiyon at upang maging masigasig dito. Tunay na Siya ay dumidinig sa panalangin, malapit sa mga mananampalataya.

34. Sa pagiging *imam* sa *salah*, ang *neeyah* bang maging *imam* ay isa sa mga kondisyon (bago magsagawa ng *salah*)? Kapag pumasok ang isang lalaki sa Masjid at may nakita siyang nagsasagawa ng *salah*, gagawin ba niya itong *imam* niya sa *salah*? Ipinahihintulot bang gawing *imam* ang *masbooq*?²⁴

Sagot: Sa pagiging *imam* sa *salah*, ang *neeyah* ay isa sa mga kondisyon ayon sa sinabi ng Propeta (SAS): **“Ang halaga ng gawa ay nakabatay sa layunin (neeyah) at ang bawat tao ay gagantimpalaan ayon sa kanyang nilayon.”** kapag pumasok ang isang lalaki sa Masjid at hindi na niya naabutan ang *salah* sa *jama`ah* ngunit nakakita siya ng mag-isang nagsasagawa ng *salah*, walang masama kung sumabay siya rito at gawin itong *imam* niya sa *salah* sapagkat ito ang pinakamainam ayon sa sinabi ng Propeta (SAS) nang may nakita siyang isang lalaking pumasok sa Masjid matapos na naisagawa na ng mga tao ang *salah*: **“Wala bang lalaking magbibigay ng kawanggawa sa lalaking ito sa pamamagitan ng pagsasagawa ng salah kasama nito?”** Sa ganitong paraan ay kapwa natamo ng dalawa ang biyaya ng *salah* sa *jama`ah*. Sa panig ng nakapagsagawa na ng *Salah*, ang *salah* na ito ay sunah na lamang.

²³ Huwag mo nang ulitin na yumokod nang labas sa hanay.

²⁴ Ang *masbooq* ay ang taong nahuli sa paglahok sa *salah* sa *jama`ah*

Si Mu'adh bin jabal (RA) ay nagsasagawa noon ng *salah* na 'isha' kasama ng Propeta (SAS). Pagkatapos nito ay umuwi siya sa kanyang mga kanayon at nagsagawa uli ng sala bilang kanilang *imam*. Ang *salah* na isinagawa niya kasama nila ay sunah at ang sa kanila naman ay *fard*. Ang ginawa niyang ito ay sinang ayunan ng Propeta (SAS).

Walang masama kung ang *masbooq* ay gawing *imam* ng isang taong hindi nakaabot sa *salah* sa Jam'ah sa paghahangad niyang magtamo ng pagpapala ng *salah* sa *jama'ah*. At kapag nakumpleto na ng *masbooq* ang kanyang *salah*, tatayo ang hindi pa nakukumpleto ng *salah* upang kumpletuhin ito. Ito ang sinabi ng Propeta (SAS) kay Abu Dharr (RA) nang sinabi nito sa kanya na may darating na mga prinsipeng ipinapahuli ang pagsasagawa ng *salah* sa takdang oras nito. Ang sabi niya (SAS) rito: ***"Isagawa mo ang salah sa takdang oras nito. Subalit kung maabutan mo (na isinasagawa nila) ito, isagawa mo (uli ito) kasama nila. Ito ay magiging salah na sunnah para sa iyo. At huwag mong sabihing, 'Nakapagsagawa na ako ng salah kay hindi na ako muling magsasagawa.'"*** Si Allah ang Tagapagpatnubay.

35. Ang mga *rak'ah* bang maaabutan ng *masbooq* kasama ng *imam* ay itinuturing na simula ng kanyang *salah* o katapusan nito? At kung halimbawa hindi niya naabutan ang unang dalawang *rak'ah* sa *salah* na binubuo ng apat na *rak'ah*, kailangan pa bang siya ay bumigkas ng talata sa Qur'an pagkatapos ng suratul *fatihah* sa huling dalawang *rak'ah*?

Sagot: Ang tama ay itinuturing simula ng *salah* ng *masbooq* ang anumang maabutan niya kasama ng *imam* at ang natitirang kukumpletuhin ay siyang katapusan nito. Saklaw nito ang lahat ng *salah* na *fard* batay sa sinabi ng Propeta (SAS): ***"Kapag kayo ay pupunta sa salah, maglakad ng mahinahon. Ang anumang maabutan ninyo sa salah ay isagawa ninyo at kumpletuhin ninyo ang natitirang hindi ninyo nagawa."*** Dahil duon, kanais nais na ang ikatlo at ikaapat na *rak'ah* ng *salah* na binubuo ng apat na *rak'ah* at ang ikatlong *rak'ah* ng *salah* sa maghrib ay lilimitahan sa pagbigkas ng suratul *fatihah*. Ito ay nasasaad sa Hadeeth na isinalaysay ni Abu Qatadah (RA). Ang sabi niya: "Binibigkas ng Propeta (SAS) ang suraul *fatihah* at isang surah sa unang dalawang *rak'ah* ng *dhuhr* at 'asr. Pinahahaba niya ang pagbikas niya sa dalawang huling *rak'ah* ay suratul *fatihah* lamang. "Kung magbabasa ng talata ng Qur'an karagdagan sa suratul *fatihah* sa ikatlo at ikaapat na *rak'ah* ng *dhuhr*, ito ay mabuti batay sa Hadeeth na nasa *Saheeh* Muslim na isinalaysay ni Abu Sa'eed (RA). Ang sabi niya : "Ang pagbigkas ng Propeta (SAS) sa unang dalawang *rak'ah* ng *dhuhr* ay kasintagal ng pagbigkas ng surah as sajdah, sa huling dalawang *rak'ah* ng *dhuhr* a kasintagal ng kalahati niyon,²⁵ sa unang dalawang *rak'ah* na 'asr ay kasintagal ng huling dalawang *rak'ah* ng *dhuhr*, at sa huling dalawang *rak'ah* ng *asr* ay kasintagal ng unang dalawang *rak'ah* ng 'asr." Malamang na ito ay paminsan-minsan lamang isinasagawa ng Propeta (SAS) sa huling dalawang *rak'ah* ng *dhuhr* nang sa gayon ay tumugma ito sa unang Hadeeth na nabanggit.

36. Dahil sa sobrang dami ng mga tao sa ibang mga Masjid na pinagdadausan ng pagsamba sa araw ng biyernes, napupuno ang mga Masjid na ito kaya ang ibang mga tao ay sa mga kalsada at daanan na lamang nagsasagawa ng *salah* kasabay ng *imam*. Ano po ang masasabi ninyo tungkol

²⁵ Dahil kung minsan ang pagbikas g Propeta (SAS) sa huling dalawang *rak'ah* ay kasintagal ng pagbigkas ng kalahati ng surah as-sajada, ito ay nagpapahiwatig na hindi lamang suratul *fatihah* ang binibigkas niya.

doon? Mayroon po bang ipinagkaiba kung may kalsada sa pagitan ng mga nagsasagawa ng *salah* at Masjid o walang kalsadang naghihiwalay?

Sagot: Kapag magkarugtong ang mga hanay, walang masama. Ganoon din naman kung ang mga ma'moon ay nasa labas ng Masjid ngunit nakikita nila ang mga hanay sa harapan nila o naririnig nila ang pagsasabi ng **Allahu Akbar**. At kahit pinaghihiwalay man sila ng ilang mga daanan ay wala ring masama doon dahil mahalaga ang *salah* sa *jama'ah* at nagagawa naman nilang makita ang hanay sa harap at naririnig ang pagsasabi ng **Allahu Akbar**. Subalit walang sinuman ang maaring magsagawa ng *salah* sa harap ng *imam* dahil hindi iyon lugar ng *ma'moom*. Si Allah ang tagapatnubay.

37. Kapag naabutan ng *masbooq* ang *imam* na nakayukod, ano ang dapat niyang gawin sa sandaling iyon? Ang pagsabi ng *Subhaana rabbiyal 'adheem* bago maiangat ng *imam* ang kanyang likod ay isa pang kondisyon para sa *masbooq* upang maituring na naabutan niya ang *rak'ah*?

Sagot: Kapag naabutan ng *masbooq* ang *imam* habang ito ay nakayukod, sapat na iyon para maabutan niya ang buong *rak'ah* kahit nasabi lamang niya ang *subhaana rabbiyal 'adheem* matapos na maiangat ng *imam* ang likod nito dahil ang sabi ng Propeta (SAS): **“Ang nakaabot ng isang *rak'ah* sa *salah* ay naabutan ang *salah* (sa *jama'ah*).”** Ang Hadeeth na ito ay nasa *Saheeh* Muslim. Nalalaman natin na naabutan ang *rak'ah* kapag naabutan ang pagyukod (sa *rak'ah* na iyon) ayon sa Hadeeth na nasa *Saheeh* Al Bukhari. Ayon sa Hadeeth na ito na isinalaysay ni Abu Bakrah Ath Thaqafi (RA) ay dumating siya isang araw sa Masjid habang ang Propeta (SAS) ay nakayukod kaya yumokod na rin siya nang wala sa hanay at (pagkatapos ng pagyukod) ay saka lamang pumasok sa hanay. Nang nasabi na ng Propeta (SAS) ang *tasleem* ay sinabi nito sa kanya: **“Nawa'ay pag-ibayuhin ni Allah ang marubdob mong hangaring gumawa ng mabuti. Ngunit huwag mo nang ulitin.”²⁶** Hindi siya nito inutusang ulitin ang *rak'ah*. Pinagbawalan lamang siya nito na ulitin ang pagyukod na wala sa hanay. Kaya ang *masbooq* ay huwag magmadali na yumokod hanggat't hindi nakakapapasok sa hanay. Si Allah ang tagapagpatnubay.

38. May mga *imam* na hinihintay ang dumating upang maabutan nito ang *rak'ah*. May iba namang nagsasabing hindi dapat maghintay. Ano po ang tama? Patnubayan po kayo ni Allah.

Sagot: *Sunnah* ang maghintay sandali upang makasama sa hanay ang dumarating. Ito ay bilang pagsunod sa ginawa ng Propeta (SAS).

39. Kapag ang isang lalaki ay *imam* sa *salah* na ang *ma'moom* ay dalawang bata o higit pa, ilalagay ba niya sila sa kanyang likod o sa kanyang kanan. Ang pagsapit ba sa wastong gulang ay isang kondisyon upang maaring makasama sa hanay ang batang lalaki.

Sagot: Ang dapat niyang gawin ay ilagay ang mga bata sa kanyang likuran tulad ng mga taong nasa wastong gulang na kapag ang mga batang ito ay sumapit na sa pitong taong gulang o higit pa. Ganoon din naman kung ang mga ma'moon isang bata at isang taong nasa wastong gulang

²⁶ Ang pagyukod nang wala sa hanay.

na, ilalagay din niya sila sa likod. Sapagkat nang ang Propeta (SAS) ay nagsasagawa ng *salah* bilang *imam* ni Anas (RA) at ng isang ulilang wala pa sa wastong gulang ay inilagay niya ang dalawang ito sa kanyang likuran. Nangyari ito noong dalawin ng Propeta (SAS) ang lola ni Anas (RA). Ganoon din ang kanyang ginawa kina Jabir at Jabbar na mga taga Madinah nang humanay sila sa kanya, inilagay niya sila sa kanyang likuran. Kung ang kasama ng *imam* sa *salah* ay isang lalaki lamang, ito ay pupuwesto sa kanyang kanan --nasa wastong gulang man ito o wala -- dahil nang tumayo si Ibnu Abbas sa kaliwa ng Propeta noong ito ay nagsasagawa ng *salatul layl*²⁷ ay inilagay niya ito sa kanan. Ang kalalakihan sapagkat nang magsagawa ng *salah* ang Propeta (SAS) bilang *imam* si Anas at isang ulilang wala pang sa wastong gulang ay inilagay niya si Umm Sulayn na ina ni Anas sa likuran ni Anas at ng ulila.

40. Ang sabi ng iba ay hindi ipinahihintulot na magsagawa ng isa pang sala sa *jama`ah* (sa Masjid) pagkatapos na maisagawa ang *salah* sa *jama`ah*; mayroon po bang batayan ito? At ano po ang tama?

Sagot: Ang sabi nilang ito ay hindi tama at wala itong batayan sa Sharee`ah, ayon sa aking pagkakaalam. Datapuwa't ang ipinahihiwatig ng mga Hadeeth na *saheeh* ay salungat sa sinabi nila. Ang Sabi ng Sugo (SAS): **"Ang *salah* sa *jama`ah* ay mas mainam ng dalawampu't pitong ulit kaysa sa *salah* na isinagawa ng nag-iisaang tao."** Ang sabi pa niya (SAS): **"Ang *salah* ng lalaki kasama ng isa pang lalaki ay mas mainam kaysa sa *salah* na isinagawa niyang mag-isa."** At ang sabi pa niya nang makita niyang pumasok sa Masjid ang isang lalaki matapos a makapagsagawa ng *salah* ang mga tao: **"Wala bang lalaking magbibigay ng *salah* kasama niya."** Gayon pa man, hindi ipinahihintulot sa isang Muslim na magpahuli sa *salah* sa *jama`ah*. Datapuwa't kailangan dali-dali siyang dadalo sa sandaling marinig niya ang *adhan*. Si Allah ang tagapagpatnubay.

41. Kapag nasira ang wudu' ng *imam* habang nagsasagawa ng *salah*, kukuha ba siya ng isang tao bilang kahalili niya na siyang magpatuloy sa *salah* bilang *imam* ng mga ma'moon o nawalan na ng saysay ang *salah* ng lahat kaya magtatalaga na lamang siya ng isang tao bilang *imam* ng mga ma'moom upang ulitin ang *salah* mula sa umpisa?

Sagot: Ang tama ay tungkulin ng *imam* na kumuha ng kahalili niya na siyang kukumpleto sa *salah* kasama ng mga ma'moom tulad ng ginawa ni 'Umar (RA) nang siya ay sasakin habang nagsasagawa ng *salah* bilang *imam*, ginawa niyang kahalili si 'Abdurahman bin 'Awf (RA). Kinumpleto ni 'Abdurahman bin 'Awf (RA) ang *salah* na *fajr* kasama ng mga ma'moon. Kung hindi kumuha ng kahalili ang *imam*, ang isang ma'moon sa kanyang likuran ay pupunta sa harap ng mga ma'moon para kumpletuhin ang *salah* nila bilang kanilang *imam*. Kung uulitin ang *salah* mula sa umpisa, wala ring masama doon sapagkat sa puntong ito ay makakaiba ang pahayag ng mga pantas ng Islam. Subalit ang pinakamainam na pahayag ay ang magtatalaga ng kahalili bilang *imam* upang kumpletuhin ang *salah* batay sa ginawa ni 'Umar (RA) na ating nabanggit na. Sa muli, kung uulitin man nila ang *salah* ay walang masama. Si Allah ang tagapagpatnubay.

42. Naabutan ba ang *salah* sa *jama`ah* kapag naabutan ang *tasleem* kasama ng *imam* o hindi naabutan kung hindi nakaabot ng isang *rak`ah*? Kapag dumating ay nakaupo at binibigkas ang

²⁷ Isang uri ng *salah* na *sunnah* na isinasagawa sa pagitan ng 'isha' at fajr.

huling tashahud, mas mabuti bang sila ay sumabay na sa *imam* o maghintay ng panibagong *salah* sa *jama`ah*?

Sagot: Hindi naabutan ang *salah* sa *jama`ah* kung hindi naabutan ang isang *rak`ah* man lamang ayon sa sinabi ng Propeta (SAS): **“Ang nakaabot ng isang *rak`ah* sa *salah* ay naabutan ang *salah*.”** Ang Hadeeth na ito ay nasa Sahee Muslim. Subalit ang sinumang may katangap-tanggap na dahilan, makakamit pa rin niya ang *salah* kasama ng *imam* ayon sa sinabi ng Propeta (SAS) noong siya ay nasa labanan sa Tabuk: **“Kapag nagkasakit ang isang Muslim o naglalakbay, itatala ni Allah para sa kanya ang mga ginagawa niya noong siya ay malusog at hindi naglalakbay.”** Ang Hadeeth na ito ay nasa Saheeh Al Bukhari. At ayon pa sa sabi niya (SAS): **“May mga tao sa Madinah na wala kayong daan na tinahak at lambak na binagtas na hindi ninyo sila kasama. Ang kanilang katanggap-tanggap na dahilan ang humadlang sa kanila (na makasama).”**²⁸ At isa pang sanaysay ay ito ang sinabi: **“Nakilahok sila sa inyo sa gantimpala.”** Ang Hadeeth na ito ay nasa Saheehayn.

Sa oras na maabutan ng isang pangkat ang *imam* habang ito ay na bumigbigkas ng huling tashahhud, mainam na sumabay na sila sa kanya ayon sa sinabi ng Propeta (SAS): **“Kapag kayo ay pupunta sa *salah*, maglakad nang mahinahon. Ang anumang maabutan ninyo sa *salah* ay isagawa ninyo at kumpletuhin ninyo ang hindi ninyo nagawa.”** At kung magsasagawa naman sila ng isa pang *salah* sa *jama`ah* ay wala namang masama.

43. Nagsagawa ng *salah* ang *imam* sa kanyang *jama`ah* ngunit nakalimutan niyang magsagawa ng wudu'; ano ang hatol sa *salah* na ito ayon sa mga sumusunod na kondisyon:

1. Kapag naalala niya habang nagsasagawa ng *salah* (na wala pala siyang wudu')?
2. Kapag naalala niya pagkatapos na *tasleem* bago nagkahiwa-hiwalay ang *jama`ah*?
3. Kapag naalala niya matapos na nagkahiwa-hiwalay ang *jama`ah*?

Sagot: Kapag naalaa lamang pagkatapos ng *tasleem*, ang *salah* ng *jama`ah* ay tanggap at hindi nila kailangang ulitin ang *salah* subalit kailangan ulitin ng *imam* ang kanyang *salah*. Kung naalala ng *imam* habang siya ay nagsasagawa ng *salah*, sasabihin niya sa isa sa mga *ma'moom* na ito ang hahalili sa kanya at kukumpleto sa *salah* bilang *imam* ng *jama`ah*. Ito ay ayon sa pinakatumpak na pahayag ng mga pantas batay sa sanaysay tungkol kay 'Umar (RA) Nang siya (RA) ay sinaksak habang nagsasagawa ng *salah* bilang *imam*, itinalaga niya bilang kahaliling *imam* sa *salah* si 'Abdurahman bin 'Awf (RA). Tinapos naman nito ang *salah* bilang *imam* ng *jama`ah* at hindi na inulit ang *salah*. Si Allah ang tagapatnubay.

44. Ano po ang hatol sa *salah* na pinamunuan ng *imam* na naninigarilyo o nag-aahit ng balbas o nagsusuot ng damit o pantalon na lampas sa bukong-bukong at iba pa?

Sagot: Ayon sa nagkakaisang hatol ng mga pantas ng Islam, ang *salah* niya ay tanggap kapag isinagawa niya ito ayon sa paraang nais ni Allah. Tanggap din ang sala ng kanyang mga *ma'moom* ayon sa pinakatumpak na hatol ng mga pantas. Tungkol naman sa di-Muslim, hindi

²⁸ Ibig sabihin ay natatamo rin sila ng gantimpala bagaman hindi sila nakalahok sa labanan sa Tabuk dahil may maganda silang dahilankung bakit hindi nakalahok.

tanggap ang kanyang *salah* at pati na ang *salah* ng kanyang *ma'moom* dahil wala sa kanya ang isang kondisyon upang matanggap ang sala at iyon ay ang pagiging Muslim. Si Allah ang tagapatnubay.

45. Nalalaman natin na ang puwesto ng *ma'moom* kapag siya ay tumayo sa kanan ng *imam* kapantay nito. At walang batayan sa Sharee'ah na nagpapahiwatig sa salungat nito. Si Allah ang tagapatnubay.

Sagot: Ang sunah para sa *ma'moon* kapag siya ay nag-iisa ay tumayo sa kanan ng *imam* kapantay nito. At walang batayan sa Sharee'ah na nagpapahiwatig sa salungat nito. Si Allah ang tagapatnubay.

46. Kapag nag-aalinlangan ang nagsasagawa ng *salah* kung siya ba ay nagsasagawa ng tatlo o apat na *rak'ah*; ano ang kanyang gagawin?

Sagot: Kapag nag-aalinlangan (sa kung ilang *rak'ah* ang naisagawa), kailangan bumatay sa kung ano ang tiyak: ang pinakakaunting bilang ng *rak'ah*. Ituturing na nakagawa ng tatlong *rak'ah*, isasagawa ang ikaapat na *rak'ah*, at ang *sujudus sahw*²⁹ bago magsabi ng *tasleem*. Ito ay batay sa sinabi ng Propete (SAS): ***“Kapag nag-alinlangan ang sinuman sa inyo sa kanyang salah anupa't hindi niya malaman kung kanyang natapos sa salah ay tatlo o apat na rak'ah, isantabi niya ang kanyang pagaalinlangan at bumatay sa kung ano ang natitiyak niya at pagkatapos ay magpatirapa ng dalawang rak'ah (sujudus sahw) bago magsabi ng tasleem. Kung ang nagawa niyang salah ay limang rak'ah ang sujudus sahw ang magwawasto sa kanyang salah. Atkung ang nagawa niyang salah ay kumpleto, ang sujudus sahw ay panghihiya sa demonyo.”*** Ang Hadeeth na ito na nasa Saheeh Muslim ay isinalaysay ni Sa'eed Al-Khurdi. Kung nangibabaw sa kanyang palagay ang isa sa dalawa: kulang o kumpletong *rak'ah*, ang pagbabatayan niya ay ang kanyang palagay na nagingibabaw. Pagkatapos sabihin ang *tasleem* saka magpatirapa ng dalawang beses (*sujudus sahw*) at muling magsabi ng *tasleem*. Ito ay batay sa sinabi ng Propeta (SAS): ***“Kapag nag-aalinlangan ang simuman sa inyo sa kanyang salah, magpunyagi siyang alamin ang tama at kumpletuhin ang salah nang dalawang beses (sujudus sahw).”*** Ang Hadeeth na ito na nasa Saheeh A-Bukhari ay isinalaysay ni Ibnu Mas'ood (RA).

47. May mga *imam* na nagsasagawa ng *sujudus sahw* pagatapos ng *tasleem* at may ibang nagsasagawa ng *sujudus sahw* bago magsabi ng *tasleem* at ang iba pa ay nagsasagawa ng *sujudus sahw* bago at matapos magsabi ng *tasleem*. Kailan po kailangang magsagawa ng *sujudus sahw* bago magsabi ng *tasleem*? At kailan kailangang magsagawa ng *sujudus sahw* pagkatapos ng *tasleem*? Ang *sujudus sahw* pagkatapos bago o matapos magsabi ng *tasleem* ay *fard* ba o *mustahabb*?

Sagot: Ang *sujudus sahw* bago at matapos magsabi ng *tasleem* ay kapwa ipinahihitulat sapagkat ito ang isinasaad sa mga Hadeeth buhat sa Propeta (SAS). Subalit ang *sujudus sahw* ay lalong mainam bago magsabi ng *tasleem* maliban sa dalawang pagkakataon:

²⁹ Ang *sujudus sahw* ay dalawang karagdagang *sujud* (pagpapatirapa) na ginagawa bago o matapos magsagawa ng *tasleem* kapag nagkamali o nagdududang nagkamali.

1. Kapag nagsabi ng *tasleem* ngunit kulang ng isang *rak`ah* o higit pa ang *salah*, ang lalong mainam ay isagawa ang *sujudus sahw* matapos na makumpleto ang *salah* at makapagsabi ng *tasleem*. Ito ay bilang pagsunod sa Propeta (SAS) sapagkat noong nagsabi siya ng *tasleem* nang ang kanyang *salah* ay kulang ng dalawang *rak`ah* --ayon sa Hadeeth na isinalaysay ni Abu Hurayrah (RA) -- at nang ang kanyang *salah* ay kulang ng isang *rak`ah* -- ay nagsagawa siya ng *sujudus sahw* matapos makumpleto ang *salah* at magsabi ng *tasleem*.
2. Kapag nag-alinlangan sa *salah* anupa't hindi malaman kung ang natapos na *rak`ah* ay tatlo ba o apat sa *salah* na binubuo ng apat na *rak`ah*, o dalawa ba o tatlo sa maghrib, o isa ba o dalawa sa *fajr* ngunit ang nangingibabaw sa kanyang palagay ay ang isa sa dalawa, kulang o sapat na bilang ng *rak`ah*, ang pagbabatayan niya ay ang nangingibabaw niyang palagay. Ang kanyang *sujudus sahw* ay pagkatapos ng *tasleem* na siyang pinakamainam ayon sa Hadeeth na isinalaysay ni Ibnu Mas'ood na nabangit sa sagot sa tanong bilang 46. Si Allah ang tagapatnubay.

48. Kapag nagkamali ang *masbooq*, magsasagawa ba siya ng *sujudus sahw*? At kailan niya ito isasagawa? Kailangan pa bang magsasagawa ng *sujudus sahw* ang *ma'moom* kapag siya ay nagkamali?

Sagot: Hindi kailangan ng *ma'moom* na magsagawa ng *sujudus sahw* kapag siya ay nagkamali at tungkulin niyang sumunod sa kanyang *imam* kapag siya ay sumabay rito mula sa umpisa ng *salah*.

Ang *masbooq* naman ay magsasagawa ng *sujudus sahw* kapag siya ay nagkamali kasama ng kanyang *imam*. Magsasagawa rin siya ng *sujudus sahw* kapag nakumpleto na niya ang *salah* kung nagkamali siya noong kinukumpleto pa lamang niya ang *salah* batay sa detalyeng nabanggit sa sagot sa mga tanong bilang 46. at 47. Si Allah ang tagapagpatnubay.

49. *Fard* ba ang pagsasagawa ng *sujudus sahw* para sa mga sumusunod:

1. Kapag bumigkas ng anumang talata ng Qur'an pagkatapos ng suratul *fatihah* sa dalawang huling *rak`ah* ng *salah* na binubuo ng apat na *rak`ah*?
2. Kapag bumigkas ng anumang talata ng Qur'an habang nakapatirapa o nagsasabi halimbawa ng *subhaana rabbiyal 'adheem* sa pagitan ng dalawang pagpapatirapa?
3. Kapag binigkas nang malakas ang *salah* na binibigkas nang tahimik (dhur at 'asr) at binibigkas ng tahimik ang *salah* na binibigkas nang malakas (maghrib, 'isha', at fajr)?

Sagot: Kapag nakalimot at hindi sinasadyang nakabigkas ng isa o higit pang ayah o surah sa dalawang huling *rak`ah* ng *salah* na binubuo ng apat na *rak`ah* o isa sa dalawang huling *rak`ah*, hindi na kailangan magsagawa ng *sujudus sahw* sapagkat napatunayang may Hadeeth buhat sa Propeta (SAS) na nagpapahiwatig na bumigkas siya ng talata buhat sa Qur'an karagdagan sa suratul *fatihah* sa ikatlo at ikaapat ng *rak`ah* ng *dhuhr*. Napatunauyan din na pinuri g Propeta (SAS) ang isang prinsipeng na binibigkas sa lahat ng *rak`ah* ng *salah* nito ang suratul ikhlas

pagkatapos ng suratul *fatihah*. Subalit ang nakagawian ng Propeta (SAS) ay hindi siya bumibigkas sa ikatlo at ikaapat na *rak`ah* ng anumang talata buhat sa Qur'an maliban sa suratul *fatihah* tulad ng nasasaad sa Hadeeth na nasa *Saheeh* Al-Bukhari at *Saheeh* Muslim na isinalay say ni Abu Qatada (RA). Napatunayang binibigkas ni Abu Bakr-As-Sideeq (RA) sa ikatlong *rak`ah* ng *salah* na maghrib pagkatapos ng suratul *fatihah* ang talata ng Qur'an na nasa surah Al Imran: 8. Ito ay nagpapatunay na maari ring bumigkas ng anumang talata buhat sa Qur'an pagkatapos ng suratul *fatihah* sa Ikatlong *rak`ah* ng *salah* sa maghrib.

Ang sinumang magkamaling bumigkas ng anumang talata buhat sa Qur'an habang nakayukod o nakapatirapa ay magsagawa ng *sujudus sahw* sapagkat hindi ipinahihintulot sa kanya na sadyang bumigkas ng anumang talata buhat sa Qur'an habang nakayukod o nakapatirapa dahil ipinagbabawal iyon ng Propeta (SAS). Kaya kapag nagkamaling bumigkas ng anumang talata buhat sa Qur'an, kailangan magsagawa ng *sujudus sahw*. At ganoon din kapag nagkamali habang nakayukod at sinabi ang ***subhaana rabbiyal a'la***, sa halip na ***subhaana rabbiyal 'adheem*** sa halip na ***subhaana rabbiyal a'la***, kailangan ding magsagawa ng *sujudus sahw* sapagkat nakaligtaan gawin ang dapat gawin. Kung nagkamaling naipagsama ang pagbibigkas ng ***subhaana rabbiyal 'adheem at subhaana rabbiyal a'la*** sa pagyukod o pagpapatirapa, hindi kailangan magsagawa ng *sujudus sahw*. Kung magsasagawa man ng *sujudus sahw*, wala ring masama. Saklaw ng nabanggit ang *imam*, ang *munfarid* (mag-isang nagsasagawa ng *salah*), at ang *masboq*.

Ang ma'moon na kasama ng *imam* sa simula pa lamang ng *salah* ay hindi kailangang magsagawa ng *sujudus sahw* kung magkamali man siya. Kailangan lamang niyang sumunod sa kanyang *imam*. Ganoon di naman kung nilakasan niya ang pagbigkas ng *salah* na hindi nilalakasan ang pagbigkas o binibigkas nang tahimik ang *salah* na binibigkas nang malakas, hindi kailangang magsagawa ng *sujudus sahw* sapagkat ipinaririnig noon kung magkaminsan ng Sugo (SAS) sa *salah jama`ah* ang pagbigkas ng talata sa Qur'an sa *salah* ng binibigkas nang tahimik. Si Allah ang tagapatnubay.

50. May mga nag-aakala na ang pagsasama at ang pagpapaikli ng *salah* ay laging magkasabay anupa't walang pagsasama nang walang pagpapaikli at walang pagpapaikli ng walang pagsasama. Ano po ang masasabi ninyo rito? Ang lalo po bang mainam para sa *musafir* ay ang pagpapaikli nang walang pagsasama o pagsasama at pagpapaikli ng *salah*?

Sagot: Ang batas ng pagpapaikli ng *salah* ay ginawa ni Allah para sa *musafir*. Ipinahihintulot din para sa *musafir* na pagsamihin ang *salah* pero hindi nangangahulugan na ang dalawang ito (pagsasama at pagpapa-ikli ng *salah*) ay laging magkasama. Kaya maaring paikliin ang *salah* at hindi pagsamahin kung ang isang *musafir* ay pansamantalang tumitigil sa isang bayan o hindi dumadalaw lamang. Mas mainam na hindi pagsamahin ang *salah* tulad ng ginawa ng Propeta (SAS) sa Mina noong isinagawa niya ang kanyang hajj ng pamamaalam, pinaikli niya ang *salah* ngunit hindi ipinagsama. Sa labanan sa Tabuk ay pinagsabay niya ang pagpapaikli at pagsasama ng *salah* kaya ito ay nagpapakita lamang (na maaring pagsabayin o di-pagsabayin ang pagpapakli at pagsasama ng *salah*). Pinaikli at pinagsasama ng Propeta (SAS) ang kanyang *salah* kapag tuloy-tuloy ang kanyang paglalakbay.

Tungkol naman sa pagsasama ng *salah*, mas malawak ang saklaw nito sapagkat ito ay ipinahihintulot sa may karamdaman. Kapag may malakas na ulan (at mahirap ang pumunta sa Masjid) ay ipinahihintulot din na pagsamahin ang pagsasagawa ng mga *salah* sa Masjid. Sa pagsasama ng mga *salah*, ang ipinagsasama ay ang *dhuhr* at ang *asr* o maghrib at ang ‘*isha*’. Hindi ipinahihintulot sa kanila na paikliin ang mga nabangit na *salah* sapagkat ang pagpapaikli ay para lamang sa *musafir*. Si Allah ang tagapatnubay.

51. Kapag dumating ang oras ng *salah* samantalang hindi pa naglalakbay ang isang tao at pagkatapos ay naglakbay siya bago naisagawa ang *salah*; may karapatan ba siyang paikliin at pagsamahin ang *salah* o wala? Kapag isinagawa niya halimbawa ang *dhuhr* at ‘*asr*’, pinaikli niya at pinagsama ang mga ito, at pagkatapos nito’y nakarating siya sa kanyang bayan sa oras ng ‘*asr*’, ang ginawa ba niyang iyon ay tangap kung nang sandaling pinaikli at pinagsama niya ang *salah* ay nalalaman niyang siya ay darating sa kanyang bayan sa oras ng ikalawang *salah* (‘*asr*)?

Sagot: Kapag ang isang nagbabalak maglakbay ay dinatnan ng oras ng *salah* samantalang siya ay nasa kanyang bayan pa at pagkatapos ay umalis bago nagsagawa ng *salah*, pinahihintulutan siyang paikliin ang *salah* kapag ang nilisan niya ay ang bahagi ng bayan na pinaninirahan ng mga tao. Ito ay ayon sa pinakatumpak na pahayag ng mga pantas ng Islam. Kapag pinagsama at pinaikli ang *salah* (halimbawa’y ang *dhuhr* at ‘*asr*’) habang nasa paglalakbay at pagkatapos ay dumating sa sariling bayan bago dumating ang oras ng ikalawang *salah*, hindi kailangan ulitin ang *salah* dahil naisagawa naang *salah* sa paraang tama. Kung isagawa man niya muli ang ikalawang *salah* kasama ng *jama`ah*, ang *salah* na ito ay *sunnah* na. Si Allah ang tagapatnubay.

52. Mayroon po bang itinakdang layo ng isang paglalakbay upang mapahintulutang paikliin ang *salah*?

Sagot: Ang marami sa mga pantas ng Islam ay naniniwalang ang itinakdang layo ng pupuntahan ay ang layo ng isang gabi at isang araw na pangkaraniwang paglalakad ng kamelyo o tao o mga 80 kilometro. Ang ganitong layo (o higit pa) ay intinuturing na paglalakbay ayon sa nakagawian at ang mababa pa rito ay hindi.

53. Ano po ang tingin ninyo sa pagsasama ng *salah* na maghrib at ‘*isha*’ kapag may ulan sa sandaling hindi naglalakbay at naninirahan sa mga lungsod na ang mga lansangan ay patag asfaltado o sementado, at naiilawan yaman din lamang na walang hirap (ang pagpunta sa Masjid) at walang putik o daan.

Sagot: Walang masama sa pagsasama ng maghrib at ‘*isha*’ o *dhuhr* at ‘*asr*’, ayon sa pinakatumpak na pahayag ng mga pantas, kapag may ulan at mahirap ang pagpunta sa mga Masjid. Ganoon din naman kung madalas at binabaha ang mga daan dahil ang mga ito ay nagpapahirap sa pagpunta sa Masjid. Ang batayan nito ay ang nasasaad sa *Saheehayn* buhat sa salaysay ni Ibnu ‘Abbas (RA). Ayon sa salaysay, na ipinagsama ng Propeta (SAS) ang *dhuhr* at ang ‘*asr*’, at ang *maghrib* at ‘*isha*’ sa Madina. Sa nasasaad sa *Saheeh* Muslim ay binanggit na ginawa ng Sugo (SAS) ang gayon hindi dahil sa may pinangangambahang bagay o dahil may ulan o siya (SAS) ay nasa paglalakbay. Ipinakikita sa Hadeeth na ito na matibay na pinaniniwalaan ng mga *Sahabah* (RA) na ang pangamba at ang ulan ay katanggap-tanggap na dahilan sa pagsasama ng *salah* tulad ng paglalakbay. Subalit sa sitwasyong ito ay hindi

ipinahihintulot na paiklin ang *salah*. Ang ipinahihintulot lamang ay ang pagsasama ng *salah* sapagkat sila ay nanatili sa kanilang lugar at hindi *musafir*. Ang papapaikli ng *salah* ay laan lamang sa mga *musafir*.

54. Ang neeya ay isa bang kondisyon upang mapahintulatang pagsamahin ang *salah*? Madalas kasing isagawa ang *salah* sa maghrib nang walang *neeyah* na pagsamahin ito at ang ‘*isha*’ ngunit pagkatapos maisagawa ang maghrib ay nagsasanggunian ang *jama`ah* at kapag napagkaisahan nilang isama ang ‘*isha*’ sa maghrib, isasagawa kaagad nila ang ‘*isha*’.

Sagot: Nagkakaiba ang mga pahayag ng mga pantas tungkol dito ngunit ang matimbang na pahayag hindi isang kondisyon ang neyah sa pagsisimula ng unang *salah* (*salah* sa maghrib). Sa halip ay ipinahihintulot na isama ang ikalawang *salah* kapag lumitaw ang kondisyon na nagpapahnitulot na pagsamahin ang sala gaya ng takot, Kamadaman, at ulan. Si Allah ang tagapatnubay.

55. Kailangan bang tuloy-tuloy ang pagsasagawa ng *salah* kapag itoy ipinagsama.

Sagot: Ang *fard* sa pagsasama na *taqdeem*³⁰ ay ang tuloy-tuloy na pagsasagawa ng dalawang *salah* at walang masama kung may mamagitang maikling sandali sa dalawang *salah* sapagkat ganito ang nakagawian ng propeta (SAS). Ang sabi ng Propeta (SAS): **“Isagawa ninyo ang *salah* kung papano ninyo nakitang isinagawa ko ang *salah*.”** Sa pagsasama na ta’kheer³¹ ay hindi kailangang tuloy-tuloy and dalawang *salah* ngunit kung isasagawa and dalawang *salah* nang tuloy-tuloy ay mas lalong mainam sapagkat ganito ang ginagawa ng Propeta (SAS). Si Allah ang tagapatnubay.

56. Kapag kami ay naglalakbay at napadaan sa isang Masjid sa oras ng *dhuhr* -- halimbawa -- kanais-nais ba para sa amin na magsagawa ng *salah* sa *dhuhr* kasama ng *jama`ah* (sa Masjid na iyon) at pagkatapos ay isasagawa namin ang pinaikling ‘*asr*’ o isagawa na lamang namin ang *salah* (na hindi kasabay ng *jama`ah*)? At kapag nagsasagawa kami ng *salah* kasama ng *jama`ah* (sa Masjid na iyon) at pagkatapos nito ay gusto naming magsagawa ng ‘*asr*’, tatayo kami pagkatapos ng *tasleem* upang isagawa agad ang ‘*asr*’ o bibigkas muna kami ng mga *dhihr* at saka magsagawa ng ‘*asr*’?

Sagot: Ang mas mainam sa inyo ay magsagawa kayo ng *salah* nang kayo-kayo lamang sapagkat ang *sunnah* para sa *musafir* ay paiklin ang *salah* na binubuo ng apat na *rak`ah*. Kung magsasagawa kayo ng *salah* kasama ng *jama`ah* na di-naglalakbay, kailangan kumpletuhin ninyo ang *salah* (hindi paiklin) tulad ng nasasaad sa Hadeeth. Kung gusto ninyong pagsamahin ang *salah*, kailangan gawin kaagad ninyo iyon bilang pagsunod sa *sunnah* tulad ng nabanggit sa sagot sa tanong 55. pagkatapos magsabi ng tatlong ***astagfirullah*** at isang ***allaahumma antas salaam, wa minkas salaam, tabarakta ya dhal jalaali wal ikraam***. Subalit kung naglalakbay ay nag-iisa, kailangang magsagawa siya ng *salah* kasama ng *jama`ah* na di-naglalakbay at kukumpletuhin niya ang *salah* (hindi paiiksiin). Ito ang dapat niyang gawin sapagkat ang *salah* sa *jama`ah* ay isang *fard* at ang pagpapaiksi ng *salah* ay isang kanais-nais na bagay lamang.

³⁰ Ang *taqdeem* ay ang magkasunod na pagsasagawa ng *dhuhr* at ‘*asr*’ sa oras ng *dhuhr* at ng maghrib at ‘*isha*’ sa oras ng maghrib.

³¹ Ang ta’kheer ay ang magkasunod na pagsasagawa ng *dhuhr* at ‘*asr*’ sa oras ng ‘*asr*’ at ng maghrib at ‘*isha*’ sa oras ng ‘*isha*’.

Ang *fard* ay kailangan bigyan ng mas malaking pagpapahalaga kaysa kanaisnais na bagay lamang. Si Allah ang tagapatnubay.

57. Ano po ang hatol sa di-*musafir* na ang kanyang *imam* ay isang *musafir* o ang kabaligtara nito? May karapatan ba ang *musafir* sa pagkakataong ito, kung siya ang *imam* o *ma'moom*, na paiklihin ang *salah*.

Sagot: Ang *salah* ng *musafir* na ang *imam* ay di-*musafir* o ang *salah* ng di-*musafir* na ang *imam* ay *musafir* ay kapwa tanggap. Subalit kung ang *ma'moom* ay ang *musafir* at ang *imam* ay and di-*musafir*, tungkulin ng *ma'moom* (na *musafir*) na sundin ang kanyang *imam* (na di-*musafir*) (kaya hindi niya paiikliin ang *salah*). Ayon ito sa Hadeeth na isinalaysay ni Ibnu Abbas (RA). Sa Hadeeth na ito ay naiulat na siya ay tinanong tungkol sa apat na *rak'ah* na *salah* na isinagawa ng *musafir* kasama ng *imam* na di *musafir*. Sinabi niyang iyon ay tama. Kung nagsagawa ng *salah* na binubuo ng apat na *rak'ah* ang di-*musafir* at ang kanyang *imam* ay *musafir*, kukumpletuhin niya ng kanyang *salah* kapag nagsabi ng *tasleem* ang kanyang *imam* na *musafir*.

58. Maaring mangyari na sa pagsasama ng maghrib at '*isha*' "dahil may ulan" ay may (mga) tao na darating samantalang ang *imam* ay nagsasagawa ng *salah* sa '*isha*'. Sasabay siya (o sila) sa *imam* dahil sa pag-aakalang ito ay nagsasagawa ng maghrib; ano po ang dapat niyang (o nilang) gawin?

Sagot: Kailangang maupo sila kapag natapos na nila ang ikatlong *rak'ah*, bigkasin ang tashahhud, at magsabi ng *tasleem* kapag nagsabi ang *imam* ng *tasleem*. Pagkatapos niyon ay isasagawa nila ang '*isha*' upang matamo ang pagpapala ng *salah* sa *jama'ah* at upang masunod ang pagkasunod-sunod ng *salah*. Kung nang sumabay sila sa *imam* ay nang natapos na ang isang *rak'ah*, kasama ng *imam* ay isasagawa nila ang natitira sa *salah* kalakip ang *neeyah* na *salah* sa maghrib ang siyang isinasagawa. Kung nang sumabay sila ay mahigit na sa isang *rak'ah* ang natapos, isasagawa nila kasabay ng *imam* ang naabutan nila sa *salah* at isasagawa nila kasabay ng *imam* ang naabutan nila sa *salah* at isasagawa nila ang natitirang *rak'ah*. Ganoon din naman kung sakaling nalaman nila na ang isinagawa ng *imam* ay '*isha*', sasabay sila sa kanya ngunit ang kanilang *neeyah* ay ang magsagawa g maghrib.

59. Isasagawa po ba ng isang *musafir* ang mga *salah* na *sunnah*?

Sagot: Ang *sunnah* para sa *musafir* ay huwag isagawa ang mga *salah* na *sunnah* sa *dhuhr*, maghrib, at '*isha*' subalit isasagawa ang *sunnah* sa *fajr* bilang pagsunod sa Propeta (SAS). *Sunnah* din na isagawa ang tahajjud at ang **Witr**³² sa gabi, habang naglalakbay sapagkat ginagawa iyon ng Propeta (SAS). Gayon din ang iba't ibang *salah* na *sunnah* gaya ng **Salatul Duha**³³, **Sunnatul Wudu**³⁴, **Salatul Kasoof**³⁵, **Sujudut Tilawah**³⁶, at *salah Tahiyatil Masjid*³⁷ kapag papasok sa Masjid upang magsagawa ng *salah* o maging ano pa man and dahilan.

³² Ang dalawang *salah* na *sunnah* na ito ay karaniwang isinasagawa pagkatapos ng '*isha*' bago sumapit ang *fajr*. Ang dalawang ito ay kapwa binubuo ng isa o tatlo o lima o pito o siyam o labing-isang *rak'ah*. Ang pinagkaiba nga lamang ng dalawang ito ay isinasagawa ang tahajjud kapag nagising sa gabi baago sumapit ang *fajr* samantalang ang *witr* ay isinasagawa naman bago matulog.

³³ Ang *salah* na ito ay katulad ng pangkaraniwang *salah* na *sunnah* at isinasagawa matapos na sumikat ang araw.

³⁴ Ito ay dalawang *rak'ah* na *salah* na isinasagawang katulad ng pangkaraniwang *salah* na *sunnah* pagkatapos magsagawa ng wudu'.

60. Kailangan pa ba ang wudu' bago magsagawa ng *sujudut* tilawah? Magsasabi pa ba ng **allaahu akbar** kapag magpapatirapa at kapag mag-aangat ng ulo buhat sa pagpapatirapa kung ang *sujudut* tilawah ay nangyari habang nasasagawa ng *salah* o habang nababasa ng Qur'an? Ano ang sasabihin sa *sujudut* tilawah? Ang mga *du`a`* bang binibigkas dito ay buhat sa Hadeeth na *saheeh*? Kailangan pa bang magsabi ng *tasleem* kung nasagawa ng *sujudut* tilawah habang nagbabasa ng Qur'an?

Sagot: Ayon sa pinakatumpak na pahayag ng mga pantas, hindi na kailangan ang wudu' sa *sujudut* tilawah. At sa pag-aangat ng ulo buhat sa papapatirapa ay hindi na kailangang magsabi ng **Allahu Akbar** ayon pa rin sa pinakatumpak na pahayag ng mga pantas. Ngunit kailangang sabihin ang **Allahu Akbar** kapag magpapatirapa sapagkat ito ang ipinahihiwatig sa isang Hadeeth na isinalaysay ni Ibnu 'Umar (RA). Kapag isinagawa ang *sujudut* tilawah habang nagsasagawa ng *salah*, kailangang magsabi ng **Allahu Akbar** kapag magpapatirapa at mag-aangat ng ulo buhat sa pagpapatirapa sapagkat ginawa ito ng Propeta (SAS) sa lahat ng *salah*. Nasasaad sa *Saheeh* Al-Bukhari na sinabi niya (SAS): **"Isagawa ninyo ang salah kung papaano ninyo nakitang isinagawa ko ang salah."** *Sunnah* na bumigkas ng mga *du`a`* at *dhikr* na angkop para sa *sujudut* tilawah gaya ng: **Allaahumma laka sajattu wa bika aamantu wa laka aslamtu, sajada wajhee lilladhee khalaqahu wa sawarahu wa shaqqa sam'ahu wa basrahu bihawlihi wa qoowatihi, tabrakallaahu ahsnul khaliqeen.** Ang *du`a`* na ito na matatagpuan sa *Saheeh* Muslim na isinalaysay ni Ali (RA) ay bibigkas ng Propeta (SAS) sa *sujudut* tilawah. Ang sinasabi kapag nakapatirapa sa *salah* ay siyang ring sinasabi sa *sujudut* tilawah. Nasasaad sa isang Hadeeth na binibigkas ng Propeta (SAS) sa *sujudut* tilawah ang panalanging ito: **Allaahum maktub lee bihaa 'indaka ajran, wamhu 'annee bika wizra, waj'alhaa lee 'indaka dhukhra, wa taqabbalhaa minee kama taqwabbaltaha min 'abdika daawuda 'alayhis salaam.** Ngunit ang *fard* na sabihin sa *sujudut* tilawah ay: **subhaana rabbiyal a'laa** na siya ring *fard* sabihin kapag nakapatirapa sa *salah*. Ang ano mang *dhikr* o *du`a`* na idadagdag dito ay kanais-nais. Ang *sujudut* tilawah habang nagsasagawa ng *salah* o habang nababasa ng Qur'an ay *sunnah* at hindi *fard* sapagkat ito ang ipinahihiwatig sa Hadeeth na isinalaysay ni Zayd bin Thabit (RA) at ito rin ang ipinahihiwatig sa Hadeeth na isinalaysay naman ni 'Umar (RA). Si Allah ang tagapatnubay.

61. Maaring maganap ang solar eclipse (eklipse sa araw) pagkatapos ng `asr, kaya isagawa rin ba ang salatul kasoof pagkatapos ng `asr, samantalang bawal magsagawa ng *salah* pagkatapos ng `asr. At maari bang isagawa ang *salah* tahiyatil masjid sa oras na bawal isagawa ang *salah*?

Sagot: Sa dalwang usaping ito ay may pagkakaiba ang mga pahayag ng mga pantas ngunit ang tama ay ipinahihintulot ang pagsasagawa ng *salahtul* kasoof at *salah* tahiyatil masjid. Dapat gawin ang dalawang *salah* na ito sapagkat ang mga *salah* na ito ay mga *salah* na isinasagawa sanhi ng mga kadahilanan. Ipinahihintulot ang pagsasagawa ng mga *salah* na ito sa oras na kung papaanong ang mga ito ay ipinahihintulot sa iba pang mga oras. Ito ay batay sa sinabi ng Propeta

³⁵ Isinasagawa ang *salah* na ito kapag may eklipse.

³⁶ Ito ay dalawang pagpapatirapa na gaya ng *sujudus sahw* na isinasagaw kapag may nabasa sa Qur'an na isang ayah na nag-uutos na magpatirapa. Maaring isagawa ito habang nagbabasa ng Qur'an o nagsasagawa ng *salah*

³⁷ Ang kahulugan ng *salah* tahiyatil masjid ay ang *salah* ng pagbati sa Masjid. Ang pagsasagawa nito ay walang ipinagkaiba sa pangkaraniwang *salah* na *sunnah*.

(SAS): **“Tunay na ang araw at ang buwan ay dalawang tanda sa mga tanda ni Allah. Hindi naglalahi ang mga ito dahil sa pagkamatay o pagkasilang ng isang tao. Kapag nakaita kayo ng eklipse, magsagawa kayo ng salah at manalangin hanggang sa matapos ang eklipse.”** Ang Hadeeth na ito ay matatagpuan sa *Saheeh Al-Bukhari* at *Saheeh Muslim*. Ang sabi pa niya (SAS): **“Kapag pumasok ang sinuman sa inyo sa Masjid, huwag siyang umupo hangga’t hindi nakakapagsagawa ng dalawang rak`ah na salah.”** Ganoon din ang dalawang rak`ah na salah na *sunnah* na isinasagawa matapos isagawa ang *tawaf*, kailangan paring isagawa ang salah na ito kahit tapos na ang salah sa *fajr* o *`asr* nang matapos ang pagsasagawa ng *tawaf*. Batay ito sa sinabi ng Propeta (SAS) na: **“O angkan in Abd Manaf<sup>38</sup> huwag ninyong pabawalan ang sinuman na magsagawa ng tawaf sa Bahay na ito (Ka`bah) at magsagawa ng salah sa anumang oras na kanyang naisin, sa gabi man o araw.”** Ang Hadeeth na ito ay isinalaysay ni Juabayr bin Mut`im (RA). Si Allah ang tagapagpatnubay.

62. Ano po ang hatol sa sabay-sabay na pagbigkas ng mga *dhikr* pagkaapos ng salah tulad ng ginagawa ng iba? Ang *sunnah* po ba ay bigkasin nang may tunog ang *dhikr* o bigkasin nang mahina?

Sagot: Ang *sunnah* ay ang pagbigkas sa *dhikr* nang may tunog pagkatapos na pagkatapos ng salah na *fard* at *salatul jum`ah* (salah sa araw ng pagsamba tuwing Biyernes) pagkatapos magsabi ng *tasleem*. Sapagkat nasasaad sa *Saheeh Al-Bukhari* at *Saheeh Muslim* na isinalaysay ni Ibnu `Abbas (RA) na noong kapanahunan ng Propeta (SAS) ay itinataas ang boses sa pagbigkas ng *dhikr* kapag natapos na ang mga tao sa pagsasagawa ng salah na *fard*. Ang sabi pa ni Ibnu `Abbas (RA): “Nalalaman ko kapag natapos na nila ang salah -- kapag narinig ko ang pagbigkas ng *dhikr*.”

Ang sabay-sabay na pagbigkas ng *dhikr*, anupa’t nais ng bawat isa na sabayan ang pagbigkas ng iba mula sa simula hanggang sa katapusan, at ang paggaya nito ay walang batayan. Ito ay isang *bid`ah*.³⁹ Ang nararapat ay kanya-kanyang bigkasin ng lahat ang *dhikr* para kay Allah sa simula hanggang sa katapusan. Si Allah ang tagapagpatnubay.

63. Kapag nakalimot ang isang tao at nakapagsalita habang nasaasagawa ng salah, nawawalan ba ng saysay ang kanyang salah?

Sagot: Kapag nakapagsalita ang isang Muslim habang nagsasagawa ng salah, dahil nakalimot o dahil hindi alam na bawal ang magsalita habang nagsasagawa ng salah, hindi nawawalan ng saysay ang kanyang salah maging iyon man ay *fard* o *sunnah*. Batay ito sa panalanging itinuro ni Allah: **“O Panginoon namin, huwag Mo po kaming parusahan kung kami ay nakalimot o magkamali.”** (2:286) Nasasaad sa Hadeeth na ang tugon ni Allah sa panalanging ito ay: **“Ginawa ko na.”** Nasasaad sa *Saheeh Muslim* na si Mu`awiyah bin Al-Hakam As-Salami (RA) ay nagsabi ng *yarhamukallaah* sa isang bumahin habang sila ay nagsasagawa ng salah dahil hindi niya alam ang alituntuning bawal ang magsalita kapag nagsasagawa ng salah. Dahil doon ay pinuna siya ng mga nakapalibot sa pamamagitan ng pagsenyas. Kaya tinanong niya ang Propeta (SAS) hinggil doon. Hindi siya inutusan ng Propeta (SAS) na ulitin ang salah dahil ang

³⁸ Isa sa pangalan ng angkan ni Propeta Muhammad (SAS)

³⁹ Ang ano mang gawain o paniniwala na hindi aral ng Islam na ipinasok sa Islam at sinasabing ito ay sa Islam.

nakalimot ay katulad ng walang nalalaman. Nang minsang makalimot ang Propeta (SAS) at nakapagsalita siya habang siya ay nagsasagawa ng *salah* ay hindi niya inulit ang *salah*. Sa halip ay kinumpleto niya ang *salah* tulad ng nasasaad sa Saheehayn na isinalaysay ni Abu Hurayrah (RA) at sa Saheeh Muslim na isinalaysay naman ni Ibnu Mas`ood (RA) at `Imran bin Husayn (RA). Walang masama sa pagsesenyas habang nagsasagawa ng *salah* kapag tinatawag ng pangangailangan. Si Allah ang tagapatnubay.